

FITARIHANA

 Misaotra anao, Rahalahy Williams. Miarahaba, Rahalahy Salano sy ny vadiny, ary ny solontena rehetra eto amin'ity fanasana ity izao hariva izao. Tena tombontsoa lehibe iray tokoa ny tonga eto. Nanantena an'izao ora izao aho hatramin'ny nanombohanay an'izao lâlana izao.

² Ary izaho—izaho dia te-hisaotra an'ilay ramatoa, tsy mety tsaroako ny anarany, vao avy niteny tamiko i Billy, fa nanome ahy vatomamin'ny Krismasy iray boaty izy, ary vao avy nitondra an'izany tany amin'ny fiara fotoana vitsy lasa izay. Ilay anabavy, tsy mety tsaroako ny anarany, avy eto California izy. Izany no fanomezana Krismasy voalohany ho ahy. Koa izaho—izaho dia misaotra anareo ny amin'izany.

³ Ankehitriny, izao hariva izao dia . . . Ankehitriny dia amin'ny sivy sy folo minitra izao any Tucson, saingy heveriko fa amin'ny valo sy folo minitra mihitsy izao eto. Noho izany isika . . . Somary manana fihetseham-po kely aho eo anivon'ny olona, somary lava resaka aho eo am-pitoriana teny, noho izany aho—aho dia manantena . . . [Mitehaka ny fiangonana—Mpand.] Misaotra anareo. Tena ny . . . misy olona mahafinaritra ato. Misaotra anareo aho.

⁴ Fa izaho dia—izaho dia hitory teny kely fotsiny, saiky, izao hariva izao, efa avy nandeha lavitra be aho avy tany—avy tany Shreveport sy nanerana ny firenena (mba ho tonga eto) isan-kariva, ary ianareo lasa kely—kely voadona fotsiny, fantatrareo, ary mangatsiaka, ka lasa farina ny tendanareo. Tany Shreveport aho no nanomboka. Veriko ny voloko rehefa izaho . . . taona vitsy lasa izay. Ary nanana zavatra kely iray izay napetrako aho rehefa mitory any amin'ny firenena avaratra, mba hialana amin'ny sery. Nandeha tany Shreveport aho ary adinoko ilay izy, ka tena tratry ny sery tokoa aho. Ireo rivotra izay tonga manerana tahaka an'izao, tena tsy fantatrareo fotsiny mihitsy. Niala tsy nahy izany, ka mbola malemilemy ilay hoditra, ary miaraka amin'ny hatsembohana kely fotsiny dia tena tratran'izany aho ao amin'ny tenda; tsy maintsy mamarana an'ireo fivoriana maro aho. Noho izany dia somary farim-peo kely aho izao hariva izao.

⁵ Tianay ny milaza fa nanana fotoana iray nahafinaritra izahay nahatongavana teto, na izany aza, tao amin'ireo fivoriana. Omaly hariva dia nanana fotoana iray nahafinaritra izahay tany amin'ny . . . niaraka tamin'ireo rahalahy, tany, tao amin'ilay fivoriana hafa. Ary noho izany dia nanana vahoaka betsaka izahay ary fanatrehana nahafinaritra, tena nanaja sy tsara ireo olona. Koa izany dia nanao ahy hahatsapa fa tena

tsara ny ho ampahany iray amin'ilay Full Gospel Business Men. Izany dia . . .

⁶ Manana Hafatra iray aho izay, tsapako, fa avy amin'Andriamanitra. Hafahafa kely ho an'ny olona sasany izany. Ary tsy misy azoko atao satria tsy misy afa-tsy . . . Izaho dia tsy maintsy izay maha-izaho ahy fotsiny. Ary isika . . . Tsy minia ny ho hafa aho, izany fotsiny dia hoe izaho—izaho dia miaina ao amin'ny fotoan'ny fiovàna. Isika dia . . .

⁷ Raha mbola manorina an'ilay rindrina amin'ny tsipika mahitsy foana ianareo, dia ho tsara daholo izany, ireo—ireo mpandrafitra biriky dia afaka mandeha avy hatrany eo amin'ilay andalana. Fa rehefa tsy maintsy mihodina eo amin'ilay zorony ianareo, dia izany ilay fotoana izay . . . Fa tsy manorina rindrina iray isika; manorina trano iray isika, hitanareo, noho izany tsy maintsy tonga ireo fihodinana ireo. Tonga tao amin'ny taonan'i Martin Luther izy ireo, John Wesley, ary ny taonan'ny Pentekotista; ary eto indray izany. Noho izany isika . . . sarotra ny mihodina amin'ireo zorony. Fa tena mankasitraka aho ny amin'ny . . . an'Andriamanitra, na mafy toy ny ahoana aza ilay izy, dia namaly zato isan-jato ny olona. Noho izany dia tena mankasitraka isika, misaotra ny tsirairay avy aminareo.

Ary ankehitriny alohan'ny hanokafantsika ny Boky, dia ndao isika hiresaka amin'ilay Mpanoratra, raha sitrakareeo, vetivety fotsiny, raha manondrika ny lohantsika isika:

⁸ Andriamanitra malala, mankasitraka Anao izahay izao hariva izao noho ny tombontsoa amin'ny fahafantarana an'i Jesosy Kristy (Mpamonjinay) Ny Zanakao, tamin'ny famelàna malalaka ny otanay, sy ny mahafantatra fa Ny Ràny dia ampy ka nanarona ny otanay rehetra sy ny helokay. Tena niongotra izy ireo ary natao tao amin'ny ranomasin'ny fanadinoan'Andriamanitra ka hitsangana ao amin'ilay Sakafon'ny Mpanambady Ny Ampakariny, madio, tsy mifangaro, mba hanambady an'ilay Zanak'Andriamanitra. Toy ny ahoana no isaoranay Anao ny amin'izany fahampiana tanteraka izany sy ilay finoana hahafantarana fa tsy mitoky amin'ny fahatsaranay manokana izahay fa amin'ny Fahatsarany irery ihany, noho izay Nataony ho anay. Tena mankasitraka izahay.

⁹ Misaotra Anao noho ny—ny fahombiazana izay azon'ireo rahalahy tany ampitan-dranomasina sy ireo firenena tany izay nahanoana sy nangetahetan'izy ireo an'Andriamanitra. Mivavaka aho, Tompo, hoe rehefa hiverina indray izy ireo, mba ireo ankizy izay nampidirin'izy ireo tao amin'ilay Fanjakana anie ho lasa renin'ny renibe sy rain'ny raiben'ireo ankizy izay nampidirin'izy ireo koa. Ekeo izany, Ray.

¹⁰ Tahio miaraka izahay, izao hariva izao, ary enga anie ny Fanahy Masina hanome anay an'ireo zavatra izay ilainay. Hidio

ny vavanay amin'ireo zavatra izay tsy tokony ho lazainay, ary sokafy ny fonay mba handray an'izay ho Lazainao aminay. Ekeo izany, Ray. Amin'ny Anaran'i Jesosy no ivavahanay. Amena.

¹¹ Ankehitriny dia ndao isika hamadika ny Baiboly ho an'ny lahateny kely iray izay tiako ho resahina vetivety izao hariva izao, ary hita ao amin'ny Masindahy Marka izany, ny toko faha-10.

¹² Ary izaho dia nanana...Taona vitsy lasa izay rehefa hiresaka aho, izaho dia—izaho dia tsy nila nanoratra naoty iray akory aza, afaka nahatsiaro an'ilay izy aho. Ary tsy nila naka solomaso namakiana an'ilay izy avy tao amin'ny Baiboly aho. Fa hatramin'ny nihoarako ny dimy amby roapolo taona ankehitriny, fanindroany, dia somary sarotra kely ho ahy ny—ny manao tahaka ny nataoko taloha. Ary tahaka ny fiara trotraka iray izany, saingy mbola mandeha foana aho. Ah-hah, te-hanohy hijaikojaiko eny aho mandra-pahatongan'izay...handehanako eo amin'ilay antontam-pakofako mba harendrika indray. Izany no teny fikasana.

¹³ Masindahy Lioka, ny toko faha-10, ary manomboka amin'ny...Mino aho fa ny andininy faha-21 no nolazaiko, raha afaka mahita an'izany aho eto any ho any. Nanao fahadisoana aho, Masindahy Marka ilay izy. Miala tsiny aho.

¹⁴ Masindahy Marka, ny toko faha-10, ary ny—ny roapolo... manomboka amin'ny andininy faha-21, no tiako ho vakiana. Ndao isika handray ny andininy faha-17, raha ny marina:

Ary rehefa nivoaka nankeny an-dàlana izy, dia indro ny anankiray fa nihazakazaka, ary nandohalika teo aminy, ary nanontany azy, nanao hoe, Mpampianatra tsara, inona no hataoko mba handovako ny fiainana mandrakizay?

Ary hoy Jesosy taminy, Nahoana ianao no miantso ahy hoe tsara? tsy misy tsara afa-tsy anankiray, ary izany dia, Andriamanitra.

Fantatrao ny didy hoe, Aza mijangajanga, Aza mamono olona, Aza mangalatra, Aza mety ho vavolobelona sandoka, Aza manambaka, Manajà ny rainao sy ny reninao.

Ary namaly izy ka nanao taminy hoe, Mpampianatra, izany rehetra izany dia efa notandremako hatramin'ny fahazazako.

Avy eo izy dia nilaza...Avy eo dia njery azy tsara Jesosy ka tia azy, ary nanao taminy hoe, Diso zavatra anankiray ianao: zory ny lâlanao, ary amidio izay rehetra anananao, ka, omeo ny malahelo, dia hanana rakitra any an-danitra ianao: ary avia, ka ento ny hazo fijalianao, ary manaraha ahy.

Dia nalahelo izy tamin'izany teny izany, ary niala tamin'alahelo izy: satria nanana fananana betsaka izy.

Ary enga anie ny Tompo hitahy ny famakiana Ny Teniny.

¹⁵ Ankehitriny, hiresaka eo amin'ny lohateny iray isika izao hariva izao. Tiako ny lahateniko ho "Manaraha Ahy," ary ny lohateniko dia: *Fitarihana*.

¹⁶ Ankehitriny hafahafa izany, saingy nieritreritra aho angamba, androany teo am-pivavahana... Ary ela loatra aho, ary isan-kariva dia ao amin'ilay laharan'ny Hafatra izay ananako mihitsy, izay nomen'ny Tompo ahy mba ho resahana. Nieritreritra aho fa izao hariva izao, eto amin'ity toko vaovao ity, dia hanatona an'izany avy amin'ny foto-kevitra samihafa iray aho. Ary matetika isika no niresaka ny amin'ity, niantso azy hoe, "Ilay Mpanapaka Tanora Manan-karena." Ary—ary maro amin'ireo mpitoriteny eto, ireo rahalahiko, tsy isalasalana fa efa nanatona an'izany tamin'ny fomba maro samihafa. Ary te-hanandrana hanatona an'izany aho amin'ny—ny fomba samihafa iray noho izay efa nananako izao hariva izao, an'ity hoe *Fitarihana*.

¹⁷ Izao, tsarovy izao, fa ny tsirairay avy amintsika, tanora sy antitra, ny dinganareo voalohany izay hany nataonareo teo amin'ny fiainanareo, dia nisy olona iray izay tsy maintsy nitarika anareo. Marina izany. Ary ny dinganareo farany izay hataonareo, dia hisy olona iray hitarika anareo. Tsy maintsy misy olona iray mitarika.

¹⁸ Nampitovy antsika tamin'ny ondry Andriamanitra. Ary raha misy olona mahafantatra mikasika ny fiompiana ondry sy ny natioran'ny ondry, nahoana, fantatrareo fa tsy afaka mahita ny lèlany ny ondry iray. Tsy maintsy tarihana izy. Na dia any amin'ireo trano famonoam-biby aza, dia hitantsika fa entin'izy ireo eo ilay ondry ary tarihin'ny osy iray izy ho ao amin'ilay famonoam-biby. Osy iray no mitarika azy eo, avy eo rehefa tonga eo amin'ny faran'ilay fefy vy izy dia mitsambikina, ary miditra avy hatrany ao amin'ny famonoam-biby ilay ondry. Noho izany izy ireo... Hitantsika fa tsy afaka mahita ny lèlany ny ondry iray.

¹⁹ Tsaroako ny traikera iray izay nananako tamin'ny anankiray, indray mandeha. Mpiandry saham-panjakana aho tany Indiana, ary nandeha tany amin'ilay saha aho; ka nandre zavatra iray aho, antsoantso mampalahelo indrindra. Ary izany dia—dia zanak'ondry kely iray, izay—izay very ny mamany. Ary tsy afaka nahita ny lèlany nankany aminy izy, ary ilay reny tsy afaka nahita ny lèlany ho any amin'ilay—ho any amin'ilay zanak'ondry kely. Nentiko ilay biby kely, ary mora toy ny ahoana no nametrahany ny lohany teo amiko. Nanohy nandeha teo aho, ny tènako nihazona an'ilay biby kely. Ary niantsoantso izy, ary—ary nandre azy aho. Toy ny ahoana no nanankinany ny loha

keliny tamiko ary toy ny hoe fantany fa izaho—izaho—izaho dia hanampy azy.

²⁰ Nieritreritra aho hoe, “O ry Vatolampin’ireo Taona, nokapohana ho ahy, ento eo amin’ireo sandrin’ny Tompo Jesosy aho, ho afa-po fotsiny satria fantattro fa izaho—izaho dia handeha ho any an-Trano mba hiaraka amin’ireo olon-tiako.” Nieritreritra aho hoe, “Amin’ny fiafaran’ny dian’ny fiainako, dia ento eo amin’ny Sandrinao fotsiny aho, Tompo, tahaka an’izao. Fa fantattro fa ho entina ery am-pitan’ilay renirano aho amin’izay fotoana izay, eo amin’ilay ilany hafa izay tsy hisy alahelo sy aretina, sy ny sisa, ary hiaraka amin’ireo olon-tiako izay notiaviko aho.”

²¹ Ary raha hianatra ny natiora ianareo, dia misy zavatra iray lehibe ao amin’ny natiora. Ny zavatra rehetra izay—izay jerekko, ary nataon’Andriamanitra, Izy no Mpanao ny natiora. Mandeha amin’ny fitohizana ny natiora. Saiky mandeha mitovy ihany ny natiora rehetra. Marihonareo, ny zavatra rehetra... Araka ny efa nolazaiko, mino aho fa omaly hariva, hoe ny “Natiora dia manambara an’Andriamanitra.” Raha tsy nanana Baiboly iray mihtisy ianareo, dia mbola afaka mandinika ny natiora foana ianareo ka mahafantatra fa ity Baiboly ity no Fahamarinana.

²² Izaho—izaho dia efa nanana tombontsoa nandeha nanodidina sy nanodidina an’izao tontolo izao. Ary efa namaky ambaratonga samihafa aho, ary efa nahita fivavahana samihafa aho; ny Mohammedans, ary efa namaky ny Koran aho, ary—ary nahita an’ireo Sikhs, ireo Jains, sy Mohammedans, sy ireo Buddhists, ary inona koa. Kanefa, ny tsirairay avy amin’izy ireo, nanana filozofia iray izy ireo ary ny—ny—ny—ny bokin’ny fanekem-pinoana sy ny bokin’ny lalàna, sy ny sisa. Fa ny Baibolintsika no Fahamarinana, ary ny Andriamanintsika no hany Anankiray izay marina; satria ny tsirairay avy amin’izy ireo dia tsy maintsy manondro fasana iray any ho any izay mbola misy an’ireo mpanoriny mandry ao, fa ny Kristianisma kosa manondro fasana misokatra iray ary afaka miaina eo amin’ny Fanatrehan’ilay Anankiray izay napetraka tao. Velona Izy! Izany tsy hoe Andriamanitra izay *nisy*, Izany dia Andriamanitra izay *misy*. Tsy hoe “*Izaho izay efa nisy*” iray na “*Izaho izay hisy*,” fa “IZAHO IZAY IZY.”

²³ Ary mandeha amin’ny fitohizana ny natiora rehetra, araka ny efa nolazaiko, teo am-piresahana an’ireo Taonan’ny Fiagonantsika (sady manana an’ireo boky isika ankehitriny izay hivoaka). Ny...Nahoana aho...mikasika an’ireo soratro ny amin’ireo Taonan’ny Fiagonana. Ary ahoana fa hitantsika ilay Fiagonana, ahoana fa masaka Izy, nitombo marina tokoa tahaka ny ataoon’ny natiora rehetra.

²⁴ Ary niresaka isika indray andro mikasika ny hoe ahoana fa ilay masoandro izay mipoitra amin’ny maraina, dia zaza

kely iray izy, tena malemy, tsy manana hery mihitsy ao aminy. Ary arakaraky ny handrosoan'ny andro, dia miha-matanjaka, miha-matanjaka izy. Eo amin'ny valo eo dia miditra an-tsekoly izy, tahaka ny tovolahy iray na tovovavy. Ary avy eo saiky eo amin'ny iraika ambin'ny folo eo dia mivoaka avy ao an-tsekoly izy, ary vonona izy ho an'ny—ny asany. Ary avy eo miampita hatrany amin'ny telo eo dia miova izy, ao amin'ilay fainana antenatenany ho ao amin'ny fahanterana. Ary avy eo maty ny tolakandro. Izany ve no fiafaran'ilay masoandro? Tsia. Miverina indray izy ny ampitso maraina, mba hanambara fa misy fainana iray, fahafatesana iray, fandevenana iray, fitsanganana iray. Hitanareo? Hitanareo?

²⁵ Mandinika an'ireo hazo isika, ahoana ny hihetsehan'izy ireo ary inona no ataon'izy ireo. Tany Kentucky aho vao tsy ela akory izay, izaho—izaho dia tia mihaza vontsira, ary nandeha tany aho tamin'ny taonan'ny fararano mba hihaza vontsira niaraka tamin'ny sakaizako iray. Ary izany dia . . . lasa tena maina.

²⁶ Ary ny rehetra izay efa mba nihaza vontsira volon-davenona, dia mahafantatra fa sarotra toy ny ahoana ny hitsofohana eo amin'izy ireny. Rehefa, ireo—ireo ravina, manitsaha anankiray fotsiny, ary, oh, Houdini dia artista mpandositra tsy tena mahay loatra amin'ny—amin'ireo biby ireo, toy ny ahoana no hahafahan'izy ireo miala! Ary avy eo ny manandrana mitifitra eo amin'ny maso any amin'ny dimampolo yards, dia mila fihazana tsara iray izany mba hahazoana ny fetranareo ao anatin'ny andro iray.

²⁷ Noho izany, Atoa. Wood, sakaizako iray, ilay—ilay Vavolombelon'i Jehovah niova fo, dia niaraka tamiko. Ary izahay . . . Hoy izy hoe, “Mahafantatra toeram-piompiana iray aho eto izay misy lehilahy iray izay manana betsaka . . .” Izahay dia miantso azy ireny any hoe, “hollers.”

²⁸ Firy no mahafantatra ny atao hoe *holler*? Eny, avy aiza amin'ny ampanhan'i Kentucky ianareo, na izany aza? Hitanareo? Fa avy any amin'izany aho.

²⁹ Tahaka ny teto tao amin'ny iray amin'ireo fivoriana, vao tsy ela akory izay; tsy maintsy lazaiko amin-dRahalahy Williams sy izy ireo ity, ireo rahalahy. Hoy izy ireo hoe, “Hitsangana isika ankehitriny ary hihira ny hira—hiram-pirenena.”

³⁰ Ary hoy aho hoe, “*For my old Kentucky home.*” Noho izany dia tsy nisy olona nanaraka ahy, koa . . . Izany ilay hira tokana izay fantatro. Ary noho izany izahay dia—izahay ankehitriny dia . . .

³¹ Eny àry, tomopoko. [Nomena naoty iray Rahalahy Branham—Mpand.]: “Azafady mivavaha, ho an'ny ramatoa iray ato ankehitriny izay mandeha rà eo amin'ny orona.”

Ndao isika hivavaka:

³² Andriamanitra malala, mangataka Aminao aho, Tompo, Ianao no ilay—ilay Mpanasitrana lehibe ka mangataka aho mba ny Fahasoavanao sy ny famindramponao no hikasika an'io vehivavy malala io izao ankehitriny izao mihitsy ka hampijanona an'ilay rà. Amin'ny maha-olona mino izay nivory niaraka, dia tonga teto ilay ramatoa mba hifaly amin'ny Tenin'ny Tompo sy hiombona amin'ny olona, ka mangataka Aminao aho, Tompo, izao ankehitriny izao mihitsy, mba hiteny mafy an'ilay fahavalao sy hampijanona ny rà. Amin'ny Anaran'i Jesosy Kristy. Amena. (Ary mino an'izany izahay, mino an'izany izahay.)

³³ Manohy an'ilay tantara kely mba hahazoana fihetseham-po kely fotsiny alohan'ny hidirantsika avy hatrany ao amin'ireo naoty vitsivitsy izay nosoratako eto, ary Soratra sasantsasany.

³⁴ Ankehitriny dia hoy izy hoe, “Eny, io lehilahy antitra io, handeha any isika ka hijery azy. Manana hollers betsaka izy ao amin'ny toerany,” hoy izy, “saingy tsy mahatoky iray izy.” Hoy izy hoe, “Raha... Saiky nanompa anay hivoaka mihitsy izy raha nandeha tany izahay.”

³⁵ Hoy aho hoe, “Fa tsy misambotra vontsira isika eto. Efa nilasy roa herinandro izay isika.” Ary naloto izahay, ka nivoaka tamin’ny tarehy rehetra ny volombava.

³⁶ Ary hoy izy hoe, “Eny?”

Hoy aho hoe, “Ndao isika ho any.”

³⁷ Koa dia nandeha maily vitsivitsy izahay, teo amin'ny roapolo maily teo. Efa tany amin'io faritra io indray mandeha aho taloha, nandrity ny hariva telo, tao amin'ny toeram-pilasiana Metodista iray izay nisy zavatra lehibe nataon'ny Tompo, ary asam-panasitranana lehibe teo anivon'ireo olona Metodista. Fa tamin'izay fotoana izay dia nandeha lavitra izahay teny ambonin'ireo havoana sasantsasany sy hollers ary tendrombohitra mitohitohy. Ary tsy maintsy mahafantatra an'i Kentucky ianareo mba hahafantarana an'izany, hoe karazana toerana inona no tsy maintsy hidiranareo. Fa raha mbola nandeha tany izahay dia tonga teo amin'ny trano iray, ary nisy lehilahy antitra iray nipetraka teo, lehilahy antitra roa, nipetraka teo niaraka tamin'ny satroka tranainy nanakona ny tarehin'izy ireo, ka—ka hoy izy hoe, “Io izy io,” hoy izy, “maozatra anankiray izy.” Hoy izy, “Halany ilay teny hoe ‘mpitory teny,” hoy izy.

³⁸ Noho izany dia hoy aho hoe, “Eny, tsaratsara kokoa ho ahy fotsiny ny mipetraka ao anatin'ny fiara, raha tsy izany dia tsy afaka hihaza mihitsy isika.” Hoy aho hoe, “Midira ianao ary anontanio izy raha afaka mihaza isika.”

³⁹ Noho izany dia nivoaka izy ka nanomboka nandeha, niresaka tamin'izy ireo izy. Ary any Kentucky, isan'andro, fantatrareo, izany dia “mandrosoa,” sy ny sisa. Ary noho izany dia nandeha

teo izy ka hoy izy hoe, “Manontany fotsiny aho raha afaka mihaza vetivety eto amin’ny toeranao izahay.”

⁴⁰ Nipetraka teo ilay lehilahy antitra, teo amin’ny dimy amby fitopolo taona teo, niraraka teo amin’ny vavany ny paraky, hoy izy hoe . . . nandrora, ary hoy izy hoe, “Iza no anaranao?”

Hoy izy hoe, “Ny anarako dia Wood.”

Hoy izy hoe, “Mpihavana amin’ny Jim lehilahy antitra ve ianao izay nipetraka taloha . . .”

Hoy izy hoe, “Hia, zanakalahin’i Jim aho.” Hoy izy, “Izaho no Banks. Hia.”

⁴¹ “Eny,” hoy izy, “lehilahy mahitsy fo iray i Jim lahy antitra.” Hoy izy, “Izany tokoa, alaivo izay tianao.” Hoy izy hoe—hoy izy, “Mandeha irery ve ianao?”

Hoy izy hoe, “Tsia, ao ivelany ao ny pasiterako.”

Hoy izy hoe, “Ahoana?”

Hoy izy hoe, “Ao anatin’ny fiara ao ny pasiterako,” hoy izy, “mihaza miaraka amiko izy.”

⁴² Hoy izy hoe, “Wood, tsy te-hilaza ve ianao fa lasa nidina tena ambany hany ka tsy maintsy hitaritarika pasitera iray miaraka aminao ianao na aiza na aiza alehanao?”

⁴³ Noho izany izy dia manana toetra mitratrevatreva, antitra, koa nieritreritra aho fa tsaratsara kokoa ho ahy ny hivoaka avy tao amin’ilay fiara, fantatrareo. Noho izany dia nivoaka aho ary nanatona teo, ka hoy izy hoe, “Eny, ary mpitoky teny iray ianao, hah?”

⁴⁴ Hoy aho hoe, “Eny, tompoko.” Nijery ahy ambony sy ambany izy; ran’ny vontsira, sy loto. Hoy izy hoe—hoy izy hoe . . . Hoy aho hoe, “Ohatry ny tsy dia mitovy loatra amin’ilay izy aho.”

⁴⁵ Hoy izy hoe, “Eny, ohatry ny tiako izany.” Hoy izy hoe, “Fantatrao, te-hiteny zavatra iray aminao aho.” Hoy izy hoe, “Heverina ho tsy mahatoky iray aho!”

⁴⁶ Hoy aho hoe, “Eny, tompoko, azoko izany.” Hoy aho hoe, “Tsy mihevitra aho fa tokony hiamboana loatra ny mikasika an’izany, na izany aza. Sa tsy izany?”

⁴⁷ Dia hoy izy hoe, “Eny,” hoy izy, “tsy fantattro.” Hoy izy hoe, “Hiteny aminao an’izay heveriko mikasika anareo zalahy ireo aho.”

Hoy aho hoe, “Eny àry.”

⁴⁸ Hoy izy hoe, “Mivovo eo amin’ny hazo tsy izy ianareo.” Ary firy no mahafantatra hoe inona no dikan’izany? Hitanareo? Izany dia midika hoe alika mandainga iray, hitanareo; tsy eo ambony eo mihitsy akory ilay raton laveur, hitanareo. Hoy izy hoe, “Mivovo eo amin’ny hazo tsy izy ianareo.”

Hoy aho hoe, “Miankina amin’ny fiheverana izany.”

⁴⁹ Dia hoy izy hoe, “Eny,” hoy izy, “jereo, hitanareo ve io fivoahan-tsekotra mijoro etsy io?”

“Eny.”

⁵⁰ “Tao aho no teraka, dimy amby fitopolo taona lasa izay.” Ary hoy izy, “Nipetraka teto mihitsy aho tao anatin’ireo havoana ireo, ny manodidina rehetra, nandritr’ireo taona rehetra ireo.” Dia hoy izy, “Nijery nankany amin’ny lanitra aho, nijery teto sy tetsy aho, ary, azo antoka, tao anatin’ireo dimy amby fitopolo taona rehetra ireo, dia efa nahita zavatra izay nitovy tamin’Andriamanitra aho. Tsy nihevitra tahaka an’izany ve ianareo?”

⁵¹ Hoy aho hoe, “Eny, miankina amin’izay jerenao izany, hitanao, na izay tadiavinao.”

⁵² Ary hoy izy hoe, “Eny,” hoy izy, “izaho—izaho dia tsy mino tokoa fa misy ny zava-boahary tahaka an’izany. Ary mino aho fa mivoaka fotsiny ianareo lehilahy ireo ary manambaka ny olona maka ny volany sy ny sisa. Ary izany no ataon’ilay izy.”

⁵³ Hoy aho hoe, “Eny, teratany Amerikana iray ianao, ianao dia manana zò amin’ny—ny fiheveranao manokana.”

⁵⁴ Hoy izy hoe, “Nisy zalahy anankiray, indray mandeha, izay henoko,” hoy izy, “izay tiako ho azoko antoka... Raha izy... Raha mba ho afaka hiresaka amin’io lehilahy io aho,” hoy izy “dia ho tiako ny—ny hametraka fanontaniana vitsivitsy aminy.”

Hoy aho hoe, “Eny, tompoko.”

⁵⁵ Hoy izy hoe, “Mpitory teny iray izy, mety ho fantatrareo izy.” Hoy izy, “Nanana favoriana iray izy teto tao Campbellsville, vao tsy ela akory izay, tao amin’ny tanim-piangonana iray tany, toeram-pilasiana iray.” Dia hoy izy hoe, “Adinoko ny anarany.” Hoy izy, “Avy any Indiana izy.”

Ary—ary hoy aho hoe, “Oh? Eny, tompoko.”

⁵⁶ Dia nanomboka niteny Rahalahy Wood hoe, “Eny, izaho...” (“Aza miteny an’izany.”) Ary noho izany dia hoy izy hoe... .

Hoy aho hoe, “Ahoana ny aminy?”

⁵⁷ Hoy izy hoe, “Eny,” hoy izy, “ramatoa antitra...” (olona iray) “tany teo amin’ilay havoana...” Hoy izy, “Fantatrareo, teo am-pahafatesana niaraka tamin’ny homamiadana izy.” Dia hoy izy, “Niakatra tany izaho sy ny vadiko tamin’ny maraina iray mba—mba hanova ny fandriany.” Hoy izy, “Tsy afaka nampitsangana azy ambony loatra izy ireo mba hametraka azy eo ambonin’ilay tavimandry,” hoy izy, “tsy maintsy nisintona lambam-pandriana iray fotsiny.” Dia hoy izy, “Teo am-pahafatesana izy. Efa tany Louisville izy, ary nilaza fa efa nandao azy ireo dokotera ka nilaza fa izy dia ‘ho faty.’”

⁵⁸ “Ary nandeha tany amin’ilay favoriana ny rahavaviny, ka nanao hoe, ‘Nitsangana teo amin’ny lampihazo io mpitory

teny io, nitodika nankany amin'ny mpanatrika ka niantso an'io vehivavy io tamin'ny anarana, ary niteny taminy hoe, "Rehefa lasa izy, dia naka mosara iray izy ary napetrany tao anatin'ny—ny poketrany izany." Ary niantso ny anaran'io vehivavy teto io, roapolo maily avy eto, ka nilaza fa toy ny ahoana no njaliany tamin'ny homamiadana, iza no anarany, ary izay rehetra nandalovany; hoy izy, "Alaivo iny mosara iny ka mandehana apetraho eo amin'ilay vehivavy izany," ary nilaza fa "ho sitrana amin'ny homamiadany ilay vehivavy."⁵⁹

⁵⁹ Dia hoy izy, "Tonga teto izy ireo tamin'io hariva io." Hoy izy, "Amin-kitsim-po, nandre an'ilay hiakiaka ratsy indrindra tany ambony tany aho. Nihevitra aho fa nanana ny Tafiky ny Famonjena nalefa teo an-tampon'ilay havoana teo izy ireo. Hoy aho, 'Eny,' hoy aho hoe, 'ataoko fa maty ilay anabavy antitra.' Hoy aho, 'Isika dia... Handeha isika rahampitso ka hitondra an'ilay sarety, sy ny hoe ahoana no hitondrantsika azy hivoaka mba ho tonga eny amin'ny lalana lehibe,' dia hoy aho, 'mba hahafahan'izy ireo hitondra azy any amin'ilay mpanao vatampaty.' Ary nilaza aho fa ny... Niandry izahay. Tsy nilaina ny niakatra tany tamin'io ora alina io." Hoy izy, "Eo amin'ny maily iray eny amin'ilay havoana eto izany." Hoy izy, "Niakatra tany izahay ny ampitso maraina, ary fantatrareo ve izay nitranga?"

Hoy aho hoe, "Tsia, tompoko."

⁶⁰ Hoy izy hoe, "Nipetraka teo izy nihinana paoma nendasina, sy nisotro kafe, niaraka tamin'ny vadiny."

Hoy aho hoe, "Izany ve hoy ianao?"

Hoy izy hoe, "Eny, tompoko."

"Oh!" hoy aho. "Ankehitriny, ramose, tsy izany no tianao ho lazaina."

⁶¹ Hoy izy hoe, "Ny manelingelina ahy dia hoe inona... ahoana no nataon'io lehilahy io, ary tsy teto amin'ity faritra ity mihitsy, nefá nahafantatra an'izany." Hitanareo?

Dia hoy aho hoe, "Oh, tsy mino an'izany ianao."

Hoy izy hoe, "Izany no fahamarinana."

Hoy aho hoe, "Mino an'izany ve ianao?" Hitanareo?

⁶² Izy—hoy izy hoe, "Eny, mandehana avy hatrany miakatra eny amin'ilay havoana, azoko porofoina aminareo izany." Izy indray no mitory teny amiko ankehitriny, hitanareo.

⁶³ Noho izany aho—hoy aho hoe, "Om-om." Naka paoma iray aho, ary—ary hoy aho hoe, "Afaka mahazo anankiray amin'ireto paoma ireto ve aho?" Dia nokosehiko teo amin'ny akanjoko izany.

⁶⁴ Hoy izy hoe, "Eny, ireo fangaraka mavo no mihinana azy ireo, ataoko fa afaka mahazo anankiray ianao." Ary avy eo... Ary ankehitriny hoy aho hoe, "Eny..." Izaho—izaho dia

manaikitra . . . nandrapaka an'ilay izy, ary hoy aho hoe, "Paoma tsara ity."

⁶⁵ Hoy izy hoe, "Oh, eny." Hoy izy, "Mba fantatrao moa? Izaho no namboly an'io hazo io teo, oh, efapolo taona lasa izay, na zavatra tahaka an'izany."

Hoy aho hoe, "Oh, marina ve izany?"

"Eny, tompoke."

⁶⁶ Ary hoy aho hoe, "Eny, ary isan-taona . . ." Hoy aho hoe, "Voamariko fa tsy mbola nanana fanala isika, vao fanombohan'ny Aogositra izao." Dia hoy aho hoe, "Mihintsana avy amin'ny hazo ireo ravina."

⁶⁷ "Eny, tompoke. Marina izany, ho tonga ny fararano. Mino aho fa banana anankiray lasa aloha isika amin'ity fotoana ity."

⁶⁸ Hoy aho hoe, "Eny, tompoke." Novaiko ilay lohahevitra, hitanareo. Dia hoy izy hoe . . . Hoy aho hoe, "Eny, fantatrao, hafahafa ilay izy," hoy aho hoe, "ahoana no ialan'ilay tsiron-kazo amin'io hazo io." Hoy aho hoe, "Ary mihintsana ireo ravina, kanefa tsy misy . . . izy ireo—izy ireo dia tsy nahazo fanala hamono an'ilay ravina."

⁶⁹ Dia hoy izy hoe, "Eny," hoy izy, "inona no idiran'izany amin'izay resahantsika?"

⁷⁰ Ary hoy aho hoe, "Eny, izaho—izaho dia manontany mihitsy." (Fantatrareo, niteny foana i mama hoe, "Omeo tady betsaka ny ombivavy iray dia hanantona ny tenany izy, fantatrareo." Noho izany dia nanome azy be dia be aho.)

⁷¹ Noho izany dia nanohy izy, ka hoy izy hoe, "Eny, eny, inona no idiran'izany amin'ilay izy?"

⁷² Hoy aho hoe, "Fantatrao, Andriamanitra no mampaniry an'ireo paoma ireo, ary mankistraka an'ireo paoma sy ravina ireo ianao, ary ianao dia mipetraka ao amin'ny—ao amin'ny aloka sy ny sisa. Midina izy amin'ny taonan'ny fararano ary," hoy aho hoe, "miverina miakatra indray miaraka amin'ireo paoma sy miaraka amin'ireo ravina indray."

⁷³ Dia hoy izy hoe, "Oh, ny natiora fotsiny izany. Hitanao, ny natiora fotsiny izany."

⁷⁴ Hoy aho hoe, "Eny, mazava ho azy, ny natiora izany." Hoy aho hoe, "Ny natiora izany, saingy Olona iray no tsy maintsy mifehy ny natiora." Hitanaeo, izaho . . . hoy izy hoe . . . "Lazao amiko ankehitriny hoe iza no manao an'izany?"

⁷⁵ Ary hoy izy hoe, "Eny, izany dia—dia ny natiora ara-natiora fotsiny."

⁷⁶ Hoy aho hoe, "Iza no miteny amin'io ravina kely io ankehitriny, ary ny . . . ?" Hoy aho hoe, "Ankehitriny, ny antony ihintsanan'io ravina io, dia satria midina mankany amin'ny fakany ilay tsiron-kazo. Ary ahoana moa raha nianona teo

ambonin'ilay hazo io tsiron-kazo io mandritry ny andro ririnina? Inona no ho niseho?"

⁷⁷ Hoy izy, "Hamono an'ilay hazo izany."

⁷⁸ "Eny," hoy aho, "ankehitriny, fahaizana inona no mampidina an'io tsiron-kazo io mankany amin'ireo fakany, manao hoe, 'Mialà eto ankehitriny, ho tonga ny taonan'ny fararano, midina mankany amin'ny fakany ka miafena?' Ary mijanona ao amin'ireo fakany tahaka ny fasana iray; dia avy eo miverina indray amin'ny lohataona manaraka, mamokatra paoma betsaka, sy mamokatra ravina betsaka sy ny sisa."

⁷⁹ Hoy izy hoe, "Ny natiora fotsiny izany, izany no hanao an'ilay izy." Hoy izy, "Ny toetr'andro! Ilay fiovàna, fantatralo, fahatongavan'ny fararano."

⁸⁰ Hoy aho hoe, "Mametraha sinin-drano iray etsy amin'ny andry etsy, dia jereo raha mandefa azy any amin'ny fanambanan'ilay andry ny natiora ka mamerina azy miakatra indray. Hitanao?" Hitanareo?

"Eny," hoy izy, "mety manana zavatra iray ianao."

Hoy aho hoe, "Eritrereto izany raha handeha hihaza izahay."

Dia hoy izy hoe, "Eny," ary hoy izy hoe, "mihazà any amin'izay tianareeo hihazana."

⁸¹ Ary hoy aho hoe, "Rehefa miverina aho, raha holazainao amiko hoe fahaizana inona no mandefa an'io tsiron-kazo avy eo amin'io hazo io hidina any amin'ireo fakany, mba hijanona amin'ny ririnina manontolo ka hiverina indray amin'ny ririnina manaraka, dia ho lazaiko anao fa izany ihany ilay Fahaizana izay nilaza tamiko mikasika an'ilay vehivavy ery io."

Hoy izy, "Nilaza taminao?"

Hoy aho hoe, "Eny, tompoko."

Hoy izy hoe, "Tsy ianao ilay mpitory teny!"

Hoy aho hoe, "Ho fantatralo ve ny anarany?"

Hoy izy, "Eny."

Hoy aho hoe, "Branham?"

Hoy izy hoe, "Izy izany."

Hoy aho hoe, "Izany—marina izany." Hitanareo?

⁸² Ary mba fantatrareo moa? Notarihako teo amin'i Kristy ilay lehilahy antitra, teo amin'ny fanambarany manokana mihitsy.

⁸³ Fa taona iray taty aoriana dia tany aho ary nampiditra fiara iray (nomeraon'i Indiana no teo aminy) tao anatin'ilay tokontany. Efa nifindra izy ireo, maty izy. Ary noho izany rehefa niverina aho, dia nitsangana teo ny vadiny mba hamely mafy ahy mihitsy; nihevitra aho fa nanana alàlana hihaza aho. Dia nivoaka izy, hoy izy hoe, "Tsy mahay mamaky teny ve ianao?"

⁸⁴ Hoy aho hoe, “Eny, madama.”

Hoy izy hoe, “Hitanao ve ireo marika ireo izay milaza hoe ‘Tsy Azo Hihazana!’?”

⁸⁵ Hoy aho hoe, “Eny, madama, saingy,” hoy aho, “izaho—izaho dia manana alàlana.”

⁸⁶ “Tsy manana alàlana ianao!” hoy izy. Ary hoy izy, “Izahay dia nanana an’ity toerana—toerana ity nipetraka nandrity ny taona maro.”

⁸⁷ Hoy aho hoe, “Eny, ranabavy, izaho—izaho dia diso raha izany, miala tsiny aho.”

⁸⁸ Dia hoy izy, “Tsy misy tsiny! Ireo nomeraon’i Indiana eo ireo, ary mipetraka eto, ianareo no olona sahisahy indrindra!”

Hoy aho hoe, “Afaka manazava an’ilay izy fotsiny ve aho?”
Hoy aho hoe . . .

Izy, “Iza no manome alàlana anao?”

⁸⁹ Hoy aho hoe, “Tsy fantattro fotsiny . . .” Hoy aho hoe, “Izany dia lehilahy azon-taona iray nipetraka teo amin’io lavarangana io, rehefa teto aho tamin’ny herintaona, ary niresaka nikasika an’Andriamanitra izahay.” Hitanareo?

Dia njery izy, hoy izy hoe, “Ianao ve no Ranadahy Branham?”

Ary hoy aho hoe, “Eny, madama.”

⁹⁰ Hoy izy hoe, “Mamelà ahy. Tsy fantattro hoe iza ianao.” Hoy izy hoe, “Tiako ho lazaina anao ny fanambarany. Tamin’ireo orany farany nahafatesany, dia nanangana ny tânany izy ary nidera an’Andriamanitra.” Hoy izy, “Maty tao amin’ny finoana Kristiana izy, ary nentina nankany amin’Andriamanitra.” Hitanareo?

⁹¹ “Raha hangina izy ireo, dia ireo vato no hiantsoantso avy hatrany.” Misy zavatra ao amin’ny natiora.

⁹² Diniho ireo vorona, diniho ireo biby, diniho ny zavatra rehetra, ary dinihonareo ny natiora.

⁹³ Diniho ilay voromailala kely hoe ahoana no fanidiny. Vorona hafa iray toy ny inona izy, hitanareo. Izy—izy dia tsy manana afero, tsy afaka mihinana tahaka ny ataon’ny goaika izy. Hitanareo? Tsy manana afero izy ao anatin’ny. Tsy mila mandro ao anatin’ny—ao anatin’ny—ao anatin’ny rano izy, satria manana zavatra izy ao anatin’ny ao; manadio azy avy ao anatin’ny mankany ivelany izany, hitanareo.

⁹⁴ Izany no maha-izy ny Kristiana. Izany no fomba anehoan’Andriamanitra ny Tenany, ao amin’ny—ao amin’ny—ao amin’ny voromailala. Hitanareo, satria . . . ary ny . . . Jesosy dia naseho ho toy ny Zanak’ondry iray. Ho hitanareo ao anatin’ny natiora isan’andro Andriamanitra. Ary nampitovy antsika amin’ny ondry izay tsy maintsy tarihana Andriamanitra. Efa

mba voamarikareo ve tany, nitory toriteny iray teo amin'izany aho indray andro lasa? Hoe ilay Voromailala dia nidina teo amin'ilay Zanak'ondry, mba hitarika an'ilay Zanak'ondry, ary Izany no nitarika Azy nankany amin'ilay mpamono. Ilay—ilay—ilay Voromailala! Ankehitriny, raha io Zanak'ondry io... Tsy afaka nidina teo amin'ny karazam-biby iray hafa io Voromailala io, satria tsy maintsy ho natiora mitovy izy roa ireo. Hitanareo? Raha nipetraka teo ambonin'ny amboadia iray ilay Voromailala, ka ho nitrena sy nierona izy, dia handray ny Fanidinany ilay Voromailala.

⁹⁵ Eny, mitovy amin'izany ankehitriny. Ary noho ny fomba ratsintsika rehetra, dia mandray ny Fanidinany fotsiny ny Fanahy Masina ka lasa. Tsy maintsy manana ny natiora mitovy ilay izy. Ilay voron'ny Lanitra, ilay voromailala; ilay biby malemy fanahy indrindra eto an-tany, ny zanak'ondry; afaka mifanaraka miaraka izy ireo. Ary rehefa tonga eo amintsika ny Fanahy Masina ka manao antsika ho olom-baovao, amin'izay fotoana izay Izy vao afaka mitarika antsika. Fa isika dia miezaka hiaina amin'ilay fiainana fahiny ihany, tsy hety izany! Tsy hety fotsiny izany.

⁹⁶ Ankehitriny, ny dingana voalohany izay hany nataonareo teo amin'ny fiainanareo angamba, miresaka ny amin'ny fitarihana, dia angamba ireo tànan'ny *neny* antitra tsara fanahy iray. Mety mbola eo ireo tànana ireo izao hariva izao, ao amin'ny fasana iray any ho any eto, saingy izany ilay tànana izay nihazona anareo mba hanao ny dinganareo voalohany.

⁹⁷ Avy eo rehefa avy nampianatra anareo i neny hoe ahoana no famindra, ka nanao dingana vitsivitsy ianareo avy eo dia nianjera, ary nitsangana, ka nihevitra ianareo fa nanao zavatra lehibe, avy eo dia atolony an'ilay *mpampianatry ny sekoly* ianareo. Ary avy eo dia izy no manomboka mitarika anareo ho eo amin'ny fianarana iray; ny amin'ny hoe ahoana sy inona no tsy maintsy ataonareo, ary ahoana no tsy maintsy ianaranareo, sy—sy ny sisa tahaka an'izany.

⁹⁸ Avy eo rehefa avy nahavita taminareo ilay mpampianatry ny sekoly, amin'izay fotoana izay dia miverina ianareo, ny *rainareo* no miandraikitra anareo. Avy eo rehefa miandraikitra anareo ny rainareo, dia mampianatra anareo ny asanareo angamba izy; ahoana no hahatonga ho mpandrahahara mahomby iray, ahoana no fanaovana zavatra tsara. Ny reninareo dia nampianatra anareo hoe ahoana no hahatonga ho—ho mpikarakara tokantrano iray, ahoana no fandrahoana, sy ny sisa tahaka an'izany.

⁹⁹ Avy eo rehefa avy nahavita taminareo izy ireo, amin'izay fotoana izay dia ny *mpitoriteninareo* na *pretranareo* no miandraikitra anareo.

¹⁰⁰ Fa *ankehitriny* iza no mitarika anareo? Izany ilay fanontaniana ankehitriny. Ankehitriny, isika rehetra dia tarihin'ny zavatra iray izao hariva izao. Tsy maintsy ho izany isika. Voatarika isika. Mariho!

¹⁰¹ Ankehitriny ndao isika hijery an'ity lehilahy tanora ity... inona no nitaona azy. Ndao isika hijery an'ilay...ity lehilahy mpandraharaaha tanora ity izay tiantsika hiantsoana azy, satria mpandraharaaha iray izy. Lehilahy malaza mahomby iray izy. Ndao isika hijery an'ireo mpitarika azy.

¹⁰² Angamba, voalohany, dia ny reniny no nampianatra azy an'ireo zavatra izay tokony nataony raha mbola zazalahy iray. Ny rainy dia nanao azy ho fahombiazana tsara iray tahaka an'io, ary angamba namela ho azy ny—namela ho azy ny lova iray, satria izy tenany dia mpanapaka iray; angamba lasa ny rainy, noho izany izy dia—dia mpandraharaaha iray. Izy dia... Ndao isika hiantso azy, androany, toy ny hoe mpandraharaaha Kristiana iray; na, mpandraharaaha mpivavaka iray izy, heveriko fa izany no fanononana tsara indrindra.

¹⁰³ Mpivavaka ity lehilahy ity, tsy tsy-mahatoky iray velively izy. Ary efa nampianarin'ny reniny izy hoe ahoana no fanaovana ny tsara, ahoana no famindra, ahoana no hampitafiany ny tenany. Efa nampianarin'ny rainy izy, mpandraharaaha malaza iray, sy ny hoe ahoana no hahatonga ho lehilahy mahomby iray; ary nahomby ny fandraharahany. Ary dada sy neny dia notezaina tao amin'ny fiangonana, ka nanondro taminy an'ilay mpisorona. Ary ilay mpisorona dia nanao azy ho tena lehilahy mpivavaka iray. Noho izany dia lehilahy tsara kolokolo iray izy, zazalahy tsara iray izy niaraka tamin'ny toetra tsara.

¹⁰⁴ Raha njery azy Jesosy Kristy ka tia azy, dia nisy zavatra tao mikasika ny maha-tena izy an'ilay zazalahy. Marina. Satria ny Baiboly eto no nilaza, hitantsika ao amin'ny Marka hoe, "Ary njery azy Jesosy, dia tia azy." Hia, "Nijery azy Jesosy, dia tia azy." Koa noho izany tsy maintsy misy zavatra tena miavaka mikasika an'ity lehilahy tanora ity. Izy dia ny...nanana toetra tsara iray, ary haavon-toetra tsara iray. Lehilahy iray izay tsara taiza izy; mahay, kinga saina, manam-pahaizana, mahomby amin'ny fandraharahana, ary lehilahy mpivavaka iray. Nanana toetran'olona tsara betsaka izay niavaka izy, hany ka tena nanintona ny fifantohan'i Jesosy Kristy ilay Mpamony izany. Saingy rehefa nifanehatra izy, satria nahomby teo amin'ireo zavatra hafa rehetra ireo...

¹⁰⁵ Tsy nisy na inona na inona ratsy; nahitsy tanteraka mihitsy izy, arak'izay nilaina mihitsy, mahay, tsara fianarana, ny fahombiazany, kinga saina izy, mpandraharaaha tsara iray, nikambana tamin'ny vondron'ny mpandraharaaha iray tany ho any tao Palestina angamba. Mety ho nikambana tamin'ny fiombonan'ny mpandraharaaha tahaka ny ananantsika eto izao

hariva izao izy, tsy isalasalana fa nikambana izy, satria ny mpandrahara dia nanana fiombonana foana tamin'ny hafa, ny iray amin'ny iray hafa.

¹⁰⁶ Satria fotsiny toy ny “vorona mitovy volo,” dia nanana zavatra ho resahina izy ireo. Ary raha ity...Ireo lehilahy mpivavaka, dia tsy tia miresaka mikasika an’ilay lehilahy izay mandeha any amin’ny trano fisotroan-toaka sy ny...izy rehetra miaraka, satria tsy manana na inona na inona iraisana izy ireo. Tsy maintsy manana zavatra iraisana isika. Noho izany ireo Kristiana dia manana zavatra iraisana amin’ireo Kristiana; ireo mpanota dia manana zavatra iraisana amin’ny—amin’ny mpanota; sy—sy ireo fikambanana, ary na inona na inona izy ireo, dia manana zavatra iraisana izy ireo. Ary ity tovolahy ity angamba dia nikambana tamin’ny—ny fiombonan’ny mpandrahara dia iray.

¹⁰⁷ Ary mpivavaka arak’izay naha-azy azy izy, satria Jesosy, eo amin’ny fanontaniana azy eto, hoy izy hoe, “Efa nohazoniko ireo didy ireo, notandremako izy rehetra ireo hatramin’ny fahazazako.” Marina izany.

¹⁰⁸ Hitanareo, efa voataiza tsara izy, nampianarina tsara, sy ny sisa. Saingy rehefa nifanehatra tamin’ny—ny fiheverana ny amin’ny Fiainana Mandrakizay izy...Ankehitriny tiako ho marihinareo, niaraka tamin’io toetra rehetra izay nananany io, dia mbola fantany fa tsy nanana ny Fiainana Mandrakizay izy.

¹⁰⁹ Ankehitriny, ireo fikambanantsika rehetra, ny fiangonantsika, ny maha-mpikambana antsika sy ny sisa izay hazonintsika ho tena malala, ireo fikambanana Amerikana antsika, sy ny sisa, dia tena tsara, tsy misy na inona na inona ho lazaina hanohitra an’izany. Ary ny fikambanan’ny Christian Business Men antsika eto, dia zavatra lehibe iray, varavarana misokatra iray ho ahy izany mba...eo amin’ireo fiheverako tsy ara-anaram-piangonana hoe “isika dia Kristiana.”

¹¹⁰ Tsy misy anankiray (tsy misy anaram-piangonana anankiray) izay afaka mitaky amintsika, ny tena Kristiana iray, satria an’Andriamanitra ianareo. Ireo anaram-piangonana dia nataon’olona, fa ny Kristianisma dia nirahina avy any An-danitra. Saingy ao amin’ireo zavatra rehetra izay ananantsika ireo, na tsara aza izy ireo, na mahafinaritra aza ny hiarahantsika, ary na favoriana tsara aza no ananantsika, sy ny fifankahazoana ara-tsosialy izay ananantsika, kanefa dia mifanehatra amin’ny Fiainana Mandrakizay isika tsirairay avy. Ary tsy mampaninona na nahomby toy ny ahoana aza isika tao amin’ny fandraharahana, nahomby toy ny ahoana aza isika, ary mambram-piangonana malaza iray toy ny inona aza isika, sy hoe ahoana no iasantsika, ahoana no hiezahantsika manao zavatra tsara, dia mbola, raha tsy natao tamin’ny fomba marina izany, dia fanompoana foana an’Andriamanitra izany.

¹¹¹ Nokilasian'i Jesosy tahaka an'izany io, raha mijanona eto fotoana fohy aho. Hoy Izy hoe, "Foana ny anompoanareo Ahy, mampianatra an'ireo didin'olombelona ho foto-pampianarana." Ankehitriny eritrereto! Ny fanompoana tso-po, mahitsy fo (amin'ny fahatsoran'ny fonareo) an'Andriamanitra, nefà dia mbola foana! Tahaka an'izany no nanombohany tamin'i Kaina, tao amin'ny sahan'i Edena. Fanompoana tso-po, saingy nolavina! Tena mpivavaka, fa mbola nolavina!

¹¹² Tany Shreveport tamin'ny herinandro lasa, herinandro talohan'ilay farany, tao amin'ny fivoran'ny Business Men, sakafo maraina iray izay nivoran'ny olona an-jatony maro, dia naka ora roa sy sasany aho mba hiresahana teo amin'ny: *Manao Asa Iray Ho An'Andriamanitra Ivelan'Ny Sitrapon'Andriamanitra*. Ankehitriny, toa hafahafa izany, saingy tsy maintsy mampifantsona ny tenantsika ao anatin'ny fantsona nomanin'Andriamanitra isika sy ny fomba fanaovan'Andriamanitra an'ilay izy. Tsy mampaninona na impiry no hiheverantsika fa tsara ilay izy, tsy maintsy araka ny Tenin'ny Tompo ilay izy fa raha tsy izany dia foana izany. Nanompo i Kaina, saingy tsy araka ny Tenin'ny Tompo ilay izy. Nanompo ireo Fariseo, saingy tsy araka ny Tenin'ny Tompo. Ary ao amin'ity hafatra manokana ho an'ny Business Men ity, no ampianarako an'izao.

¹¹³ Davida, te-hanao asa iray ho an'ny Tompo izy, ary marina izy tamin'izay nolazainy. Hoy izy hoe, "Mety ho an'ny fiaran'ny Tompo ve ny ho ery? Ndao entintsika eto izy." Tamin'ny andron'ny mpanjaka, ilay mpanjaka hafa izay nodimbiasany. Hoy izy hoe, "Tsy mety izany. Tsy nanontany ny Tompo tamin'ny alàlan'ilay fiara mihitsy izy ireo, saingy tsy maintsy hataontsika izany." Ankehitriny, marina izany, izany no tokony nataon'izy ireo. Hoy izy hoe, "Tokony handeha haka ny fiara isika, dia afaka manontany ny Tompo isika." Ary marina izany, tany amin'ilay firenena hafa izy. Hoy izy, "Tsy maintsy entintsika eto izy. Ento eto izy ka apetraho ao amin'ny tranontsika eto, ary manompoa ny Tompo."

¹¹⁴ Ankehitriny mariho fa niditra tao amin'ny fantsona ratsy izy nanaovana an'izany. Nanontany ny kapitenin'ny dimampolo sy ny zato ary ny arivo izy. Nanontaniana izy rehetra ireo, ny tsirairay avy. Hitany fa izany no sitrapon'ny Tompo, toy ny mitovy, na izany no—no Tenin'ny Tompo.

¹¹⁵ Ny Tenin'ny Tompo, indraindray, tsy maintsy apetrakareo ao amin'ny Toerany marina Izany raha tsy izany dia tsy ny Sitrapon'ny Tompo ilay izy. Hitanareo? Ankehitriny aoka hilentika lalina izany dia ho azonareo ny—ny hevitra ankapobeny an'izay ezahako lazaina.

¹¹⁶ Tsy tiako ny fiangonana ho lavo ao amin'ireo dingana izay hitanareo tany Angletera: lehilahy lava volo, sy miloko tarehy,

ary voavadika. Tsy mila an'izany isika! Tsy mampaninona na toy ny hoe mpivavaka aza izany, sy ny hoe impiry no ahafahan'i Elvis Presley mihira hiram-pivavahana, mbola devoly iray foana izy. Ary tsy mpitsara aho, fa "Ny voany no hahafantaranareo azy ireny." Hitanareo? Pentekotista izy, saingy tsy mampisy fahasamihafana izany na kely aza. Hitanareo, ny voanareo no manambara ny maha-izy anareo.

¹¹⁷ Tsy mampaninona na tonga aminy aza ny Fanahy, afaka hiteny amin'ny fiteny tsy fantatra izy, afaka hikiakiaka izy, afaka hanasitrana ny marary izy, fa hoy Jesosy hoe, "Maro amin'izy ireny no hanatona Ahy amin'izany andro izany, ka hanao hoe, 'Tompo, tsy efa nanao an'ity sy itsy ve aho?' Fa Izaho hanao hoe, 'Mialà Amiko, ianareo mpanao meloka, tsy nahafantatra anareo mihitsy akory aza Aho.'" Hitanareo?

¹¹⁸ Tsy maintsy ho tena marina isika, Kristiana tena izy, ary ny fomba tokana ahafahantsika manao an'izany dia ny mifanehatra amin'ity fanontaniana eto ity an'ny "Fiainana Mandrakizay."

¹¹⁹ Endrika tokana an'ny Fiainana Mandrakizay ihany no misy, ary avy amin'Andriamanitra izany. Ary Izy no nanendry mialoha ny olombelona rehetra izay hany hahazo an'Izany. Tahaka anareo izay tsimok'aina fotsiny tao amin'ny rainareo, dia tsimok'aina iray ianareo tao amin'Andriamanitra; iray amin'ireo Toetrary hatrany am-boalohany, raha tsy izany dia tsy ho Any mihitsy ianareo. Nivoaka tao anatin'ny tany famafazan'ny reninareo ianareo; tsy nahafantatra anareo ny rainareo, tao am-balahany ianareo. Ary rehefa nivoaka tao amin'ny tany famafazan'ny reninareo ianareo, tamin'izay fotoana izay no lasa olombelona ary natao tao amin'ny endriky ny rainareo ianareo, ankehitriny dia afaka miombona aminy ianareo. Ary mitovy amin'izany ny amin'Andriamanitra, raha manana ny Fiainana Mandrakizay ianareo.

¹²⁰ Ilay aina izay nahatongavanareo, ilay aina ara-boajanahary, aina ara-batana, avy tamin'ny rainareo izany. Ary ny fomba tokana hahafahanareo ho hateraka indray, dia fomba tokana, dia ny tsy maintsy hahatongavan'izany avy amin'ny Rainareo any An-danitra, ireo Toetrary. "Izay rehetra nomen'ny Ray Ahy no hanatona Ahy." Hitanareo?

¹²¹ Eto ianareo satria ny anaranareo dia efa napetraka teo amin'ny Bokin'ny Fiainan'ny Zanak'ondry talohan'ny nisian'ny fanorenana an'izao tontolo izao akory aza. Tena marina mihitsy izany. Tsimok'aina iray ianareo, tsimok'aina arapanahy iray nivoaka avy tamin'ny Rainareo any An-danitra, ampanahy ny Tenin'Andriamanitra. Raha izany ilay izy, araka ny efa nolazaiko, amin'izay fotoana izay dia efa niaraka tamin'i Jesosy ianareo rehefa teto Izy satria Izy *no* Teny: niaritra niaraka Taminy ianareo, maty niaraka Taminy, nalevina niaraka Taminy,

ary nitsangana niaraka Taminy, ka ankehitriny dia mipetraka ao amin'ny toeran-Danitra *ao* Aminy!

¹²² Mariho, nihevitra i Davida fa tsara ny zavatra rehetra, dia nanontany an'ireo olona rehetra ireo izy, ka nanomboka nandihy sy nihiakiaka ary niantsoantso izy tsirairay avy ireo. Nanana an'ireo fihetsiny ara-pivavahana rehetra izay nisy izy ireo, saingy mbola tsy sitrapon'Andriamanitra foana ihany ny handeha ka hitondra ny Tenin'Andriamanitra hiverina ao amin'ilay tranon'Andriamanitra. Fa, hitanareo, Andriamanitra isan'andro (ao amin'ny taona rehetra) dia miasa amin'ny alàlan'ny fomba tokana. Ny Fanapahan-keviny voalohany no Fanapahan-keviny tokana, satria Izzy dia tanteraka ao amin'ny Fanapahan-keviny. Tsy manao na inona na inona Izzy raha tsy Ambarany amin'ireo Mpanompony aloha izany, ireo mpaminany. Tena marina mihitsy izany.

¹²³ Izany no anton'izao, ilay taonan'ny fiangonana izay iainantsika. Tsy misy fiangonana, tsy misy Metodista, Batista, Pentekotista, na zavatra hafa, afaka mba hampidittra an'ity Fiangonana ity ao amin'ny Ampakarina. Tsy maintsy ho Malakia 4 no valin'izany, ny amin'ny handefasan'Andriamanitra mpaminany iray mba ho voambara, satria izany ilay fomba tokana. Nanao anaram-piangonana ireo fiangonantsika ary nanipy an'ilay zavatra tao anatin'ny fahalotoana ary nifanizina, tahaka an'izay naha-izy azy ireo foana mihitsy, fa Andriamanitra dia mandefa an'ireo mpaminany foana.

¹²⁴ Ary nisy an'i Natana nitsangana teo amin'ilay firenena, mpaminany iray voamarina teo anatrehan'Andriamanitra, nefy tsy mba nanontaniana akory aza izy.

¹²⁵ Ary nandeha tany izy ireo ka ain'olona iray mahitsy fo no vidin'izany, sy ny sisa, ary naka an'ilay fiara. Raha tokony nametraka an'izany teo ambonin'ny sorok'ireo Levita, mba hitondrana azy, dia napetrak'izy ireo teo ambonin'ny sarety iray izany mba hitondrana azy. Naloto avokoa ny zavatra rehetra!

¹²⁶ Hitanareo, raha tsy mandeha araka ny—ny sitrapon'Andriamanitra ianareo, sy ny lâlana izay nomen'Andriamanitra antsika mba handehanana, dia lotoin'izy ireo foana Izany ary entiny ao anatin'ny rafi-pandaminana iray Izany, anaram-piangonana, hafatra iray, dia eo ianareo izao. Hitanareo? Tahaka an'izany foana no nanaovana an'ilay izy.

¹²⁷ Izany ilay zavatra mitovy izay nifanehatra tamin'ity zazalahy ity. Tonga izy; izy dia efa—efa—efa mambra iray an'ireo Fariseo angamba na Sadoseo, na fikambanana lehibe iray tamin'izany andro izany. Izzy dia mpiyavaka arak'izay naha-izy azy. Hoy izy hoe, "Efa notandremako ireo didy izay nampianarina ahy ireo, hatramin'ny fahazazako." Hitanareo? Ary tia azy Jesosy ny amin'izany. Saingy nandà ny ho tarihana

izy, nandà ny hanaiky an'ilay tena fitarihan'i Jesosy Kristy izy mba hanome azy ny Fiainana Mandrakizay.

¹²⁸ Mariho, nino izy fa nisy zavatra hafa iray noho izay nananany, raha tsy izany dia tsy ho niteny mihitsy izy hoe, "Mpampianatra tsara, inona no tsy maintsy hataoko ankehitriny?"

¹²⁹ Hitanareo, te-hanao zavatra samirery izy. Izany ilay fomba ataontsika, te-hanao zavatra samirery isika. Ny Fanomezan'Andriamanitra dia fanomezana iray maimaim-poana. Andriamanitra no nanome an'Izany ho anareo, tsy manao zavatra anankiray ho an'Izany ianareo. Izy no nanendry an'Izany ho anareo, ary ho azonareo Izany. Hitanareo?

¹³⁰ Mariho, fantany fa teo Izany. Nino an'Izany izy ary nila an'Izany. Saingy rehefa nifanehatra tamin'ny hoe ahoana no tsy maintsy hanaovany azy izy, dia hafa tamin'ny fombapivavahany ilay izy. Hafa ilay izy. Afaka nitahiry ny volany izy ka nanoxy nikambana tamin'ilay fiangonana izay nikambanany, sy ny sisa. Saingy fantatr'i Jesosy izany, ary fantany fa efa nahangona an'io vola io izy, dia hoy Izy hoe, "Mandehana amidio izay rehetra anananao, ka omeo ny mahantre izany. Ary avia, ento ny hazo fijalianao ka manaraha Ahy, dia banana rakitra any An-danitra ianao." Saingy tsy afaka nanao an'izany izy.

¹³¹ Ireo mpitarika hafa izay efa nananany tamin'ny andron'ny fahazazany, no nanana fitaomana betsaka teo aminy hany ka nandà ny hanaiky ny Lâlana nomanin'Andriamanitra izy, dia Jesosy Kristy; ilay hany Tokana izay mihazona ny Fiainana Mandrakizay, ilay hany Tokana izay afaka manome anareo an'Izany. Tsy ny fiangonana no afaka manome anareo ny Fiainana Mandrakizay; tsy ny mpiara-monina aminareo; tsy ny pasiteranareo; tsy ny pretranareo; tsy ny fanekem-pinoanareo; Jesosy Kristy Tenany irery ihany no afaka manome anareo ny Fiainana Mandrakizay. Izy no... .

¹³² Tsy mampaninona na tsara toy ny ahoana aza ianareo, izay fanao najanonareo, izay fanao natombokareo, tsy maintsy manaiky ny Tompo Jesosy Kristy ilay *Olona* ianareo. Ary amin'izay fotoana izay rehefa manao an'izany ianareo, Izy no Teny, amin'izay fotoana izay dia mifanaraka tsara amin'ny Teny ny fiainanareo ary Izany no maneho ny Tenany amin'ity taona izay iainanareo ity.

¹³³ Tsy maintsy nanao an'izany i Noa mba hanehoana ny Teny tao amin'ny taonany. Ankehitriny, ahoana moa raha tonga teo i Mosesy, nanao hoe, "Fantatsika izay nataon'i Noa, handray ny tenin'i Noa isika. Hanao mihitsy ny fomba izay nanaovan'i Noa an'ilay izy isika. Isika dia hanorina ny—ny sambofiara iray ka hidina eny amin'ny Renirano Neily, ary hivoaka ny Egypta"? Nahoana, tsy ho nety izany. Hitanareo, taona hafa iray izany.

¹³⁴ Tsy afaka tonga niaraka tamin'ny hafatr'i Mosesy i Jesosy; tsy afaka tonga niaraka tamin'ny hafatry ny Katolika i Luther; tsy afaka tonga niaraka tamin'ny hafatr'i Luther i Wesley; tsy afaka tonga niaraka tamin'ny hafatry ny taonan'i Wesley ny Pentekosta. Ary tsy afaka ny ho voamboatra ao amin'ny anaram-piangonana Pentekotista ny Ampakarina, tsy afaka hanao an'izany mihitsy izy. Ary tena marina tokoa izany. Efa voarafitra izy ka nandeha teto, ary mipetraka eo izy, tahaka ny sisa amin'izy ireo fotsiny. Akofa iray izy. Tahaka an'ilay aina izay miakatra amin'ny alàlan'ny... Hitanareo?

¹³⁵ Ilay mpanoratra, araka ny nolazaiko indray hariva, ilay mpanoratra izay nanoratra an'ity boky ity... Ary tsy hoe satria nanakiana ahy mafy loatra izy, nilaza fa izaho dia "devoly iray, raha misy ny zavatra iray tahaka an'izany." Noho izany dia nilaza izy fa tsy nino an'Andriamanitra. Hoy izy hoe, "Andriamanitra iray izay afaka nanakombona ny Sandriny ka nipetraka sy nandinika an'ireo maritiora ireo, nandritr'ireo taona voalohany, ary milaza fa manana hery hanokatra ny Ranomasina Mena, ka namela an'ireo vehivavy sy ankizy ho potipotehan'ireo liona sy ny sisa, nefo ve avy eo dia nilaza fa Andriamanitra tia iray Izzy." Hoy izy, "Tsy misy ny zava-boahary tahaka an'izany." Hitanareo, ilay lehilahy, izay tsy nanana ny tsindrimandrin'ny Teny, dia diso tamin'ny fahitana an'Izany.

¹³⁶ Ilay voam-bary voalohany, ilay Mpampakatra, dia tsy maintsy nilatsaka tamin'ny tany mba hitsangana indray. Toy izany koa no tsy maintsy nandalovan'ilay Ampakarina voalohany izay teraka tamin'ny Pentekosta tao amin'ireo Taona Maizina ireo tahaka ny voa hafa rehetra, mba halevina. Tsy maintsy maty izy ireo. Tsy maintsy manao an'izany izy ireo. Saingy nanomboka nitsimoka indray izany tao amin'i Luther, tao amin'ilay fanavaozana voalohany. Tsy nitovy tamin'ilay voa izay nilatsaka ilay izy, saingy izany kosa no Hazavan'io andro io. Ilay...?...taho avy eo no niditra tao amin'ny felana, Wesley. Ary avy tao amin'ny felana dia niditra tao amin'ny Pentekosta izany, ilay akofa.

¹³⁷ Rehefa mijery ny ao anatin'ilay voa ianareo, rehefa mivoaka izy, ilay voam-bary, ny olona izay mamboly vary, mivoaka ianareo ka mijery an'io endriky ny vary ao anatiny ao io, dia mitovy amin'ilay voa marina mihitsy izany. Saingy raha haka tandra iray ianareo ka hipetraka sy haka an'io vary io ary manokatra azy, dia tsy misy voa mihitsy ao. Akofa iray fotsiny izany. Ary inona avy eo? Izany dia—izany dia miforona ao, mba hitahiry an'ilay voa. Hitanareo? Ary avy eo, ny zavatra voalohany fantatrareo, ny aina dia niala tamin'ny—ny—ny taho miditra ao amin'ny felana; niala tamin'ny felana miditra ao amin'ny akofa; miala ao amin'ny akofa izany ary miditra ao amin'ny vary. Dingana telo, hitanareo, an'izany. Ary avy eo dia mamorona an'ilay Vary any *ivelan'*ireo dingana telo ireo (Luther, Wesley,

Pentekosta). Marina tokoa. Hitanareo, tsy isalasalana. Tsy afaka mampijanona ny natiora ianareo.

¹³⁸ Ankehitriny jereo, isaky ny telo taona aorian'ny nivoahan'ny hafatra iray nirahina avy tamin'Andriamanitra, dia mandrafitra izy ireo. Ity dia efa roapolo taona izao, nefà tsy nisy rafi-pandaminana. Tsy hisy izany. Hitanareo? Ankehitriny dia tsy maintsy esorina ny akofa, hanome anjara iray an'ilay Vary mba hitoetra eo anatrehan'ny Zanaka, mba ho masaka; miverina avy hatrany ao amin'ny Fiagonana indray ilay Hafatra, manao ny Vatan'i Jesosy Kristy tahaka an'ilay Anankiray voalohany tany am-boalohany mihitsy izay nilatsaka tamin'ny tany. Ankehitriny, mba hahita ny—ny Fiainana Mandrakizay.

¹³⁹ Ilay Aina, azo antoka fa ny—ny taho tetô no nitondra an'ilay Aina. Izany tokoa, izy no nitondra. Saingy, hitanareo, rehefa lasa taho izany ka vita ny aminy, ilay rafi-pandaminana, dia niditra avy hatrany tao amin'i Wesley ilay Aina; nivoaka avy hatrany, dia niditra. Ary indray mandeha, ny tsirairay avy tamin'izy ireo. Ny anankiray, dia ravim-bero lehibe iray, tsy mitovy amin'ilay voa. Fa rehefa tonga ilay vovom-boninkazo kely, tahaka ny... teo amin'ny akofa...na teo amin'ny taho, ilay vovom-boninkazon'ny felana, dia tena mitovy betsaka amin'ny voa izy. Fa rehefa tonga eo amin'io akofa io izy, dia efa saiky tao izany.

¹⁴⁰ Tsy nilaza ve Jesosy hoe, "Amin'ny andro farany" (Matio 24:24) "dia tena hifanakaiky ireo roa ireo ka hamitaka an'ilay tena voa izany, voafidy mialoha, ireo Tokana Voafidy, raha azo natao"? Saiky ilay tena zavatra, hitanareo. Noho izany, amin'ny andro farany. Ankehitriny, hitanareo, andron'ny vary ankehitriny. Efa ho andron'ny fijinjana izao. Tsy taonan'i Luther izao, tsy taonan'ny Pentekosta izao, taonan'ny Ampakarina izao.

¹⁴¹ Tahaka ny niantsoan'i Mosesy firenena iray hivoaka amin'ny firenena iray, no iantsoan'i Kristy Fiagonana iray hivoaka amin'ny fiagonana iray amin'izao andro izao, hitanareo; ilay zavatra iray ihany ao amin'ny tandindona, maka azy ireo ho any amin'ilay Tany Nampanantenaina Mandrakizay be voninahitra.

¹⁴² Ankehitriny, ny mandà an'io Olona izay manao ny antso io, Kristy, tsy mampaninona na Pentekotista ianareo, Metodista, Luther, na inona ianareo na inona, ianareo dia tsy maintsy... Ity taona ity! Tsy misy na inona na inona anoherana azy ireo, mihitsy, saingy ao amin'ity taona *ankehitriny* ity dia tsy maintsy manaiky ianareo (tahaka ny nataon'izy ireo tao amin'io taona io) an'i Kristy ilay Olona izay ny Teny!

Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra.

Ary ny Teny dia tonga nofo, ka nonina teo anivontsika,...

...tsy miova omaly,...anio, ary mandrakizay.

Hebreo 13:8. Hitanareo, tsy maintsy manaiky an'io Olon'ny Fiainana Mandrakizay io ianareo!

¹⁴³ Ankehitriny, ny Fiainana izay nananan'i Luther, dia ny fanamarinana. Nanana ny fanamasinana i Wesley, nanampiana an'izany. Nanana ny famerenana ny fanomezam-pahasoavana niverina tao anatin'izany ny Pentekosta, nanampiana an'izany. Fa ankehitriny kosa dia ny fahafenoana ao amin'ilay vatana, hitanareo, ireo dingana telon'izany, ary avy ao amin'izany... Ankehitriny, rehefa tonga ny fitsanganana, ilay Aina izay niaina tao anatin'ireo Loterana ireo, izay nivoaka, ilay Aina izay niaina tao anatin'ireo Metodista sy nivoaka, ilay Aina izay nuditra tao amin'ireo Pentekotista, dia hakarina hivoaka avy ao amin'ny tany avokoa ao amin'ilay Vatan'ny Ampakarina mba ho entina eo anatrehan'i Jesosy Kristy. Voninahitra ho an'Andriamanitra! Oh, manaititra izany! Izany no Fahamarinana!

¹⁴⁴ Nihodina teo amin'ny kihon-dàlana isika! Mijery mankany An-danitra isika, miandry ny fihaviana; ilay Sarona eo amin'ny Pyramida, araka ny holazaintsika, ny Fihaviany indray! Tsy maintsy hitsangana tsy ho ela ilay Fiangonana, ary tsy maintsy vonona isika.

¹⁴⁵ Ary ny fomba tokana izay azonareo atao, dia tsy ny miteny hoe, "Eny, mikambana amin'ny Assemblées aho. Mikambana amin'ny Tokana aho, ny Roa," na inona ilay izy na inona, izy rehetra eo ireo, "Mikambana amin'ny fiangonan'Andriamanitra aho," tsy midika zavatra iray izany. "Ny rainay nihiaikiaka sy nandihy," tsara tanteraka izany rehetra izany, izany no andron'izy ireo. Fa amin'izao andro izao dia tsy mifanehatra amin'ny rafi-pandaminana izay nataon'izy ireo ianareo, fa amin'ny Fiainana izay mitohy, dia Jesosy Kristy.

¹⁴⁶ Nanana an'ilay zavatra mitovy ity lehilahy tanora ity. Mosesy no nanoratra an'ireo didy ireo. Saingy, hitanareo, ilay Andriamanitra iray ihany izay nanoratra an'ireo didy, tamin'ny alàlan'ny Mpaminaniny, no ilay zavatra iray ihany izay naminany fa ho avy ny andro iray, "Izaho hanangana Mpaminany iray tahaka ahy. Ary izao no hiseho fa izay rehetra tsy hihaino Azy dia ho esorina"; hiverina any amin'ireo akofa sy felana ara-anaram-pianganana. Tsy maintsy manohy mankany amin'ny Fiainana izy ireo. Ary amin'izao andro izao, dia aza manao hoe, "Pentekosta aho. Mikambana amin'ity aho, mikambana amin'itsy aho." Tsy midika na inona na inona izany. Tsy maintsy manaiky an'i Kristy Olona ianareo, Fiainana Mandrakizay. Ny tsirairay avy amintsika dia mifanehatra amin'izany! Aza adino izany.

¹⁴⁷ Ireo mpitarika hafa, hitanareo, nihazona azy mafy izy ireo. Ireo olony dia nampianarina hoe, "Eny, mikambana amin'ity izahay, ary mikambana amin'itsy izahay," ary nihazona azy

maf. Fa zava-mahafaty toy ny inona, ny mandà an'ilay fitarihan'ny Fiaianana Mandrakizay!

¹⁴⁸ Ankehitriny, manatrika eto io Fiaianana io izao hariva izao. Marina izany. Eto ny Fanahy Masina, dia Kristy amin'ny endrika Fanahy; Ny Fanahiny, eto ilay hosotra.

...*vetivety foana, dia tsy hahita ahy intsony izao tontolo izao; kanefa ianareo no hahita ahy:*...

...Satria aho *homba anareo*, ho ao aminareo mihitsy aza, hatramin'ny fahataperana, hatramin'ny *faran'izao tontolo izao*.

¹⁴⁹ Jesosy irery ihany no afaka hitarika anareo ho any amin'io Fiaianana Mandrakizay io. Tsy misy fiangonana, tsy misy anaram-piangonana, tsy misy mpitory teny, tsy misy pretra, tsy misy na inona na inona hafa afaka mitarika anareo ho any amin'Izany, tsy maintsy tarihana amin'ny Alàlany ianareo, ilay hany Tokana izay afaka mitarika anareo.

¹⁵⁰ Azonareo eritreretina ve fa Izy dia mitarika anareo any ivelan'Ny Teniny, izay Izy izany? Ary raha Izy no Teny, ka Ampahany ianareo, dia tsy ho ampanahany'ny Teny ve ianareo? Ilay Teny izay tian'Andriamanitra handrarahana an'ireo ranon'ny famonjena amin'izao andro izao, mba hanondroana Azy amin'izao andro izao; tahaka ny nanondroan'ireo apostoly Azy, tahaka an'i Luther, tahaka an'i Wesley, tahaka ny nanondroan'ireo olona Azy tamin'ireo andro ireo. Taona hafa iray ity. Izany dia ny Teny! Ny Teny no nilaza fa ireo zavatra izay hitantsika miseho ankehitriny ireo, dia nolazaina mialoha fa hiseho amin'ity ora ity. Noho izany maneke an'i Jesosy Kristy ary avelao Izy hitarika anareo ho any amin'ny Fiaianana Mandrakizay.

¹⁵¹ Na nahavita aza izy, ity lehilahy tanora ity... Nahavita ny zavatra tsara rehetra izy. Tany am-pianarana, tsara izy. Amin'ny maha-zazalahy tsara azy, tsy isalasalana, dia efa tsara izy. Amin'ny maha-tena ray iray... Teo am-pihainoana ny rainy tamin'ny fandrahahana, izy dia efa tena—tena tovolahy tsara iray. Tsara teo amin'ireo raiamandreniny. Efa nahatoky teo amin'ny mpisorony izy. Efa nahatoky tamin'ny fiangonany izy. Efa nahatoky teo amin'ireo didin'Andriamanitra izy. Saingy veriny ilay zavatra lehibe indrindra, ka ny sisa tamin'izy ireo dia tsy nidika zavatra lehibe ho azy rehefa nolaviny ilay fitarihan'ny Fiaianana Mandrakizay, Jesosy Kristy.

¹⁵² Mariho! Io fitarihana io dia mifanehatra amin'ny tsirairay avy amintsika amin'izao andro izao, ilay zavatra iray ihany izay nataony tamin'ity tovolahy ity, isika...tsy mampaninona na mpivavaka toy ny ahoana aza isika. Mety ho Katolika ianareo, mety ho Batista ianareo, Metodista, na mety ho Pentekotista ianareo, na inona ianareo na inona, mifanehatra aminareo io zavatra iray ihany io izao hariva izao: Fiaianana Mandrakizay,

izany hoe, ny fanekeña an'i Jesosy Kristy. Nomena antsika izao fanararaotra izao.

¹⁵³ Indraindray ao amin'ny fiainana dia tsy maintsy mifanehatra amin'ny zavatra tahaka ny nataon'ity tovolahy ity mihitsy isika, satria vatana mety maty iray ianareo ary ianareo dia nomena an'ilay—ianareo dia nomena an'ilay fanararaotran'ny safidy. Manana safidy iray ianareo. Nanao an'izany Andriamanitra mba hahafahanareo hisafidy. Raha nametraka an'i Adama sy Eva teo amin'ny safidy malalaka Izy mba hahafahan'izy ireo nisafidy, ary tamin'izay dia nanao safidy ratsy izy ireo, ary, hitanareo, tsy afaka manao aminareo mihoatra noho izay Nataony tamin'izy ireo Izy. Tsy maintsy mametraka aminareo an'ilay zavatra iray ihany Izy mba hahafahanareo misafidy na mandà.

Manana safidy iray ianareo. Ndao isika hijery ny sasany amin'izy ireo:

¹⁵⁴ Manana safidy iray ianareo, amin'ny maha-tovolahy iray, na hahazo fianarana iray ianareo na tsia. Manana an'io safidy io ianareo. Mety ilainareo ny hoe “tsy hanana an'izany fotsiny,” afaka mandà an'izany fotsiny ianareo.

¹⁵⁵ Manana safidy iray ianareo ny amin'ny fitondran-tenanareo. Handratra kely fotsiny aho eto. Hitanareo? Afaka mivoaka ianareo ka hamela ny volonareo haniry ary ho lasa Beatle iray na ny sasany amin'ireo tsy te-hahalala ireo.

¹⁵⁶ Na ianareo vehivavy, afaka ny hitovy amin'ny—ny olombelona mendrika iray ianareo na afaka ny ho iray amin'ireo zava-boahary hafahafa izay ananantsika any ivelany any, ireo nanamanga maso. Ary ireo volo tapaka tondrahan-drano sy ny sisa, manohitra tanteraka ny Tenin'Andriamanitra izy ireo, izay tena mifanohitra tanteraka tokoa; tsy manolotra akory aza...tsy afaka manolotra vavaka iray mba ho ekena akory aza. Izany no Fahamarinana. Tena marina tokoa izany. Izany no nolazain'ny Baiboly.

¹⁵⁷ Fa inona no manjò anareo, ry fiangonana? Nijery televiziona be loatra ianareo, zavatra be loatra avy amin'izao tontolo izao, mora loatra ho an'ilay natiora tranain'i Adamanareo ny mitsofoka ao anatin'izany, ny manao tahaka ny sisa amin'izy ireo.

¹⁵⁸ Afaka mamerina an'izao indray aho! Tao amin'ilay kosher, tao amin'ny fanolorana an'ilay—ilay—ilay fanaovam-panavotana tamin'ny andron'i Mosesy, rehefa namoaka an'ireo zanaka i Mosesy, dia tsy maintsy nisy fito andro izay tsy tokony hisy masirasira teo anivon'ny olona. Mahafantatra an'izany ny rehetra. Ao amin'ny Eksodosy, “Tsy hisy masirasira ho hita mihitsy ao amin'ny tobinareo, fito andro.” Io fito andro io dia maneho ny fahafenoan'ireo “taona fiton'ny fiangonana.” Hitanareo?

¹⁵⁹ “Tsy misy masirasira.” Ankehitriny, inona izany? Tsy misy fanekem-pinoana, tsy misy an’izao tontolo izao. Hoy Jesosy hoe, “Raha tia an’izao tontolo izao ianareo na ireo zavatr’izao tontolo izao, dia tsy ao anatinareo akory aza ny fitiavan’Andriamanitra.” Hitanareo? Nefa miezaka manafangaro an’izany isika; tsy afaka manao an’izany ianareo! Tsy maintsy tonga eo amin’ny zavatra *anankiray* ianareo mba hinoana: na ianareo hino an’Andriamanitra, na ianareo hino ny fiangonanareo, na ianareo hino an’izao tontolo izao, na ianareo... Tsy afaka manafangaro an’izany miaraka ianareo. Ary tsy afaka mihazona an’ireo zavatra tranainy izay nataon’ilay fiangonana hafa talohanareo ianareo. Tsy maintsy mandray an’ilay Hafatry ny ora ianareo.

¹⁶⁰ Hoy Izy hoe, “Izay tavela, dia aza ajanona mandra-maraina izany (hiditra ao amin’ity taona hafa ity), doroy amin’ny afo izany; aoka ho levona.” Io ilay taona izay iainanareo, ilay Hafatr’izao taona izao, tsy maintsy entina avy ao amin’ireo Soratra Izany ary voamarina sy voaporofon’Andriamanitra hoe Andriamanitra no manao an’ilay izy. Amin’izay fotoana izay na ianareo mandray an’Izany na mandà Azy. Izany no Fiainana Mandrakizay, fitarihan’ny Fanahy Masina, mitarika Ny Fianganany.

¹⁶¹ Afaka mijanona ela eo amin’izany isika, saingy ndao isika handroso, hitohy handroso hatrany.

¹⁶² Ny fididianana ny fitondran-tenanareo. Ianareo dia afaka... Tsy afaka manafangaro an’izany ianareo ankehitriny. Na ianareo momba an’Andriamanitra na manohitra an’Andriamanitra, ary ireo fanehoana ety ivelany dia maneho an’izay ao anatiny. Hitanareo? Ny tsipolitra... Maro aminareo no mieritreritra hoe, “Manana ny batisan’ny Fanahy Masina aho, handeha ho any An-danitra aho.” Tsy midika zavatra *anankiray* izany fa hoe ho any An-danitra ianareo. Tsia, tompoko. Afaka manana ny batisan’ny Fanahy Masina isan’ora ianareo amin’ny fiainanareo, nefo dia mbola ho very sy handeha any amin’ny helo ihany. Ny Baiboly no miteny an’izany. Ah-hah, tena marina tokoa izany.

¹⁶³ Jereo eto, ianareo dia olona ivelany iray. Manana ny taovam-panamboloana dimy ianareo izay mifandray amin’ilay vatana ivelany. Nomen’Andriamanitra taovam-panamboloana dimy ianareo; tsy hifandraisana Aminy, fa amin’ilay fonenanareo ety an-tany: mahita, manandrana, mahatsapa, manimbolo, ary mandre.

¹⁶⁴ Avy eo dia manana fanahy iray ianareo ao anatin’izany, ary manana fivoahana dimy izany: fieritreretana, sy fitiavana, sy ny sisa. Fivoahana dimy izay ifandraisanareo amin’ny tontolon’ny fanahy miaraka amin’izany, saingy miaraka amin’ny fanahinareo.

¹⁶⁵ Ny ara-batanareo no mifandray amin’ny ara-batana. Ny ara-panahinareo no mifandray amin’ny ara-panahy. Fa ao

anatin'izany dia manana aina iray ianareo, ary io aina io no ilay tsimok'aina izay avy tamin'Andriamanitra.

¹⁶⁶ Ary tahaka ny zazakely miforona ao anatin'ny kibon'ny reniny. Rehefa tonga ao anatin'ny—ao amin'ny kibon'ny reny ilay zazakely amin'ny alàlan'ny tsimoka kely, dia mandady ao anatin'ilay atody izy. Tsy mamorona selan'olombelona anankiray izy, ny manaraka dia alika iray, ary ny manaraka dia saka iray, ary ny manaraka dia soavaly iray. Selan'olombelona daholo ilay izy satria manamboatra avy amin'ny selan'olombelona tany am-boalohany izy.

¹⁶⁷ Ary rehefa nateraky ny Tenin'Andriamanitra indray ny olona iray, voafidy mialoha ho amin'ny Fiainana Mandrakizay, antsoina hoe "Ilay Voafidy," dia ny Tenin'Andriamanitra no ho eo an-tampon'ny Teny, Teny eo ambonin'ny Teny! Tsy fanekem-pinoan'anaram-piangonana iray ary avy eo dia Teny iray, sy fanekem-pinoana iray; fa tsy hety izany. Tsy afaka manana an'ilay masirasira eo ambonin'Izany ianareo! Fiainana Mandrakizay anankiray irery ihany, Jesosy Kristy ilay Teny:

Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra.

Ary ny Teny dia tonga nofo, ka nonina teo anivontsika, . . .

¹⁶⁸ Ry sakaiza, ianareo no mamahana ny zanako. Ianareo no mandefa ahy manerana an'ireo saham-pitoriana any amin'izao tontolo izao, mba hitondra ny Hafatra. Tsy maintsy ho tso-po aminareo aho. Izay jerekko, angamba tsy hitanareo. Izany no maha-eto ahy mba hiezaka hiteny aminareo. Izany dia satria tsy hoe tsy tiako ny olona, izany dia satria tena tiako ny olona. Manitsy. Rehefa mahita ny fibolisatry ny fiangonana aho, miala, manao hoe, "Eny, nanao an'ity izahay ary nanao an'itsy izahay," ka mandinika an'ilay fiangonana ary mahita an'ilay. . . . Tsy hety mihitsy izany.

¹⁶⁹ Avy eo dia mijery ato amin'ny Baiboly ka mahita fa tsy maintsy ho tahaka an'izany ilay izy amin'ny farany, ilay Taonan'ny Fiangonana Laodikiana matimaty, mandroaka an'i Jesosy (ilay Teny). Tsy niantso mihitsy Izy. . . . Tsy hiantso fiangonana mihitsy Izy. Hoy Izy hoe, "Izay rehetra Tiako, no Anariko. Faiziko izy ireo." Mandray ny Teny ary mamely mafy amin'Izany, ka milaza hoe, "Diso ianareo amin'izany!" Izany no antony itiavako anareo. "Raha hanokatra ny varavarana ianareo ka hamela Ahy hiditra, dia hiditra Aho ka hisakafo miaraka aminareo." Tsy ny fiangonana, voaroaka avy tao amin'io Izy.

¹⁷⁰ Mandroso mankany amin'ilay Fiombonambe Ekiomenika izy. Tany no nalehany, niverina avy hatrany tao Roma izay nihaviany. Ary marina tokoa izany. Nanana an'izany voasoratra teo amin'ny taratasy aho tany amin'ny dimy amby roapolo taona lasa izay, na telo amby telopolo taona lasa, ary io izy io. Tsy izany

ihany, fa voasoratra ao amin'ny Baiboly izany, avy tamin'ny fahitana iray. Lasa niverina izy. Tsy misy fomba hamonjena azy intsony, vita ny aminy! Tsy maintsy ho tahaka an'izany ilay izy.

¹⁷¹ Andriamanitra dia miantso ny *isam-batan'olona*. “Mijoro eo am-baravarana Aho ka mandondôna. Raha misy olona, na olona iza na iza...” Isam-batan’olona iray amin’ny arivo, mety ho iray amin’ny iray tapitrisa izany.

¹⁷² Araka ny nolazaiko hariva vitsy lasa izay. Rehefa nivoaka avy tao Egypta ny Isiraely, dia nisy olona roa tapitrisa fotsiny no tonga, ary roa tapitrisa fotsiny; anankiray fotsiny... olona roa fotsiny no niditra. Iray amin’ny iray tapitrisa. Efa fantatrareo ve izany? Kaleba sy Josoa.

¹⁷³ Ary Jesosy, rehefa teto an-tany Izzy, dia hoy izy ireo hoe, “Ny razanay nihinana ny mana tany an-efitra. Nitandrina an’ireo fomban-drazana izahay. Ary nanao an’ity izahay. Fantatray izay itsangananay!”

¹⁷⁴ Hoy Izzy hoe, “Fantatro fa ny razanareo dia nihinana ny mana tany an-efitra, fa tafasaraka Mandrakizay izy rehetra ireo. Maty izy ireo!”

¹⁷⁵ Rehefa tonga avy amin’ny lahy na ny vavy ny tsirin’aina, dia misy atody iray tapitrisa tonga, misy tsimoka iray tapitrisa tonga. Ary avy amin’ireo tsimoka kely rehetra ireo, an’ilay karazana... Raha izany no—raha izany no avy amin’ilay omby lahy, na ilay lehilahy, na inona ilay izy na inona, dia misy tsimoka an-tapitrisany mihitsy, tsimoka iray tapitrisa no miasa. Ao anatin’izany dia anankiray amin’ireo tsimoka ireo ihany no voatendry ho amin’ny fiainana, satria atody anankiray ihany no ao, lonaka, mba hihaona amin’izany. Marina izany. Atody anankiray ihany no hihaonany. Tahaka an’ity vatana mipetraka eto ity mihitsy, ka ny tsimoka dia avy amin’Andriamanitra. Hitanareo? Ary diniho ilay tsimoka kely izay miakatra eo anivon’ireo tsimoka hafa rehetra, ary mipelipelika manodidina azy ireo, mihoatra azy ireo avy hatrany, mandeha eto ka mahita an’ilay atody lonaka ary—ary mandady miditra ao anatin’izany; fa ny sisa amin’izy ireo dia maty.

¹⁷⁶ Ahoana moa raha tahaka an’izany ny fiangonana amin’izao andro izao, iray amin’ny iray tapitrisa? Hitanareo ve hoe ho aiza izy? “Ety ny vavahady ary tery ny Lâlana, ka ho vitsy ny hahita Azy; satria malalaka ny lâlana izay mitarika mankany amin’ny faharavana, ka ho maro no hiditra ao.”

“Izany ve no fahamarinana, Rahalahy Branham?” Tsy fantattro, fa manonona ny Soratra fotsiny aho. Hitanareo?

¹⁷⁷ Ankehitriny, voatendry ho amin’ny Fiainana ianareo. Hitanareo Izany rehefa voatendry hahita an’Izany ianareo. Raha tsy voatendry hahita an’Izany ianareo, dia tsy hahita an’Izany. Hoy Izzy, “Manana maso izy ireo fa tsy afaka mahita, sofina fa tsy afaka mandre.” Toy ny ahoana no tokony hanksitrahanareo,

ry fiangonana! Toy ny ahoana no tokony hanitsianareo ny tenanareo hiala amin'ireo zavatra ireo! Toy ny ahoana no tokony hirehetanareo ho an'Andriamanitra! Mba hahitan'ny masonareo an'izay hitanareo, ny sofinareo handre an'ireo zavatra izay hitanareo. Fitarihana! Nahoana ianareo no tonga eto izao hariva izao mba handre Hafatra iray tahaka an'Ity? Izaho dia voaisy marika manerana an'izao tontolo izao, avy amin'ireo fiangonana, hoe "fanatika." Nahoana ianareo no tonga? Ny Fanahy Masina no nitarika anareo teto (hitanareo? hitanareo?) mba hihaino. Forao! Esory ireo zavatr'izao tontolo izao, ekeo ilay fitarihan'i Jesosy Kristy, raha tsy izany dia azo antoka fa ho levona tahaka an'izao tontolo izao ianareo.

¹⁷⁸ Manana safidy iray an'ny fitondran-tena ianareo. Ahoana no hitondranareo ny tenanareo, miankina aminareo izany.

¹⁷⁹ Manana safidy iray an'ny vady ianareo. Mivoaka ianareo ary maka ny vadinareo. Te-haka vady iray ianareo, te-haka anankiray izay ho fanampiana amin'ny... amin'izay tianareo ho... drafitra haha-izy ny tokantranonareo ho avy. Azonareo eritreretina ve ny lehilahy iray, lehilahy Kristiana iray, mandeha mivoaka ka maka ny anankiray amin'ireo Rickettas moderina ho vady iray? Hah? Azonareo eritreretina ve? Inona no neverin'ilay lehilahy mikasika an'izany? Karazana tokantrano inona no hananany raha maka mpitanjaka iray izy, mahatsikaiky iray eny an-dàlambe eto, mpivarotena an-dàlambe? "Oh," hoy ianareo, "ankehitriny, andraso iray minitra." Ahoana no ampitafiany ny tenany? Hitanareo? Hitanareo? Manao sorta sy ny sisa, mpivarotena an-dàlambe izy. "Oh," hoy ianareo, "ankehitriny, Rahalahy Branham!" Oh, ireo zipo tery kely ratsy, toy ny hoe naolana ianareo, mpivarotena an-dàlambe.

¹⁸⁰ Hoy Jesosy hoe, "Izay mijery vehivavy mba hitsiriritra azy, dia efa nijangajanga taminy tao am-pony." Amin'izay fotoana izay tsy maintsy hamaly ny amin'izany izy. Ary inona no nataony? Nampiseho ny tenany izy. Iza no meloka? Eritrero izany.

¹⁸¹ Hoy ianareo hoe, "Tsy manamboatra akanjo hafa intsony izy ireo." Manana lamba sy milina fanjairana izy ireo. Tsy misy fialan-tsiny. Hah-ah. Tena marina tokoa izany.

¹⁸² Ankehitriny, tsy te-handratra anareo aho. Ary tsy vazivazy izao, izao no HOY NY TOMPO HOE avy amin'ireo Soratra. Marina tokoa izany, ry sakaiza. Lehilahy antitra iray aho, tsy haharitra ela intsony aho, saingy tsy maintsy milaza aminareo ny Fahamarinana aho. Raha ity no hafatro farany, dia izany no Fahamarinana. Hitanareo? Aza manao an'izany, ranabavy. Aza manao an'izany, rahalahy.

¹⁸³ Ary ianareo olona izay mifikitra amin'ny—ny fanekem-pinoana iray, nefo mahafantatra ny Tenin'Andriamanitra izay voamarina teo anatrehanareo mihitsy. Ny batisan'ny Fanahy

Masina sy ireo zava-misy izay ananantsika amin'izao andro izao, nefà avy eo, noho ny fanekem-pinoanareo, dia mihodina miala lavitra an'Izany? Ahoana no haha-zanakalahin'Andriamanitra anareo nefà mandà ny Tenin'Andriamanitra izay voalaza mialoha ho an'ity andro farany izay iainantsika ity? Ahoana no ahafahanareo manao an'izany? Ahoana no ahafahan'ny Baiboly hiantso an'izany . . .

¹⁸⁴ Tahaka ny nolazaiko omaly hariva mikasika ny—ny mpanjaka iray indray mandeha, tany Atsimo, rehefa nanana an'ilay maity hoditra izay namidy ho andevo izy ireo. Nahoana, izy ireo dia tsy nisy afa-tsý ny—ny fivarotana fiara tranainy iray fotsiny, mahazo faktioram-barotra iray ianareo eo amin'izy ireo. Ary taitra aho, teo amin'ny toerana kely iray . . . Namaky aho indray andro teo amin'izay nisy ny—ny mpividy iray tonga mba hividy anankiray, ka hoy izy hoe, "Eny, ankehitriny, ho tiako . . ." Nalahelo izy ireo, tsy maintsy karavasianareo izy ireo, hanao azy ireo hiasa satria lavitry ny tanindrazany izy ireo. Namidy izy ireo, andevo. Ary tany amin'ny firenena vahiny iray izy ireo ka tsy nahfantatra na inona na inona mikasika an'izany, ary tsy hiverina any an-tanindrazana intsony indray izy ireo, ka nalahelo izy ireo. Tsy maintsy karavasianareo izy ireo, hanao azy ireo hiasa. Saingy nandalo teo amin'ny toeram-pambolena iray ity mpividy ity.

¹⁸⁵ Nisy lehilahy tanora iray teo niaraka tamin'ny tratrany nibontsina, niakatra ny saokany, tsy nila nikaravasy azy ianareo. Narisika izy, ary nihazona ny fisainan'ny sisa tamin'izy ireo ho ambony.

Hoy ilay mpividy hoe, "Izy no ho vidiako."

¹⁸⁶ Hoy izy hoe, "Tsy amidy izy. Tsy hividy ianao. Tsy hividy azy ianao, satria tsy amidy izy."

¹⁸⁷ Hoy izy hoe, "Eny, inona no manao azy ho tena hafa?" Hoy izy, "Izy ve no lehiben'ny sisa amin'izy ireo?"

Hoy izy, "Tsia."

Hoy izy, "Hafa ve ny hamahananao azy?"

¹⁸⁸ Hoy izy, "Tsia. Andevo iray izy, mihinana etsy amin'ny toeram-pisakafoana miaraka amin'ny sisa amin'izy ireo izy."

Hoy izy, "Inona no manao azy ho tena hafa?"

¹⁸⁹ Hoy izy hoe, "Efa mba nanontany ny tenako aho, mandrapahitako. Any Afrika any (izay nihavian'izy ireo, izay nividianan'ireo Boers azy ireo, ka nitondrany azy ireo teto ary nivarotana azy ireo ho andevo), mpanjakan'ny foko iray any ny rainy. Kanefa, vahiny iray, lavitry ny tanindrazana, dia fantany fa zanaky ny mpanjaka iray izy. Noho izany dia tahaka an'izany no itondrany ny tenany."

¹⁹⁰ Fananarana iray toy ny inona ho an'ny Kristianisma! Natao hisolo tena an'Andriamanitra sy ny Fiainana Mandrakizay

isika. Endrika tokana an'ny Fiainana Mandrakizay ihany no misy, ary Andriamanitra izany. Izy irery ihany no manana ny Fiainana Mandrakizay. Ary isika no vokatra avy Aminy, satria tsimok'ain'Ny Fanahiny isika. Noho izany isika dia tokony hitondra ny tenantsika, ireo vehivavy sy lehilahy, tahaka an'izay nolazain'ny Baiboly tamintsika fa hatao. Tsy Jezebelan'ny lâlambe, sy Rickies-n'ny rafi-pandaminana; fa Kristiana mihaja, zanakalahy sy zanakavavin'Andriamanitra, nateraky ny Fanahin'Andriamanitra, maneho an'ilay Hazavana ao amin'ny androntsika ka manaparitaka an'Izany. Tena marina tokoa izany.

¹⁹¹ Hatraiza no nanalavirantsika an'Izany! Nahoana? Ilay zavatra mitovy tamin'izay nataon'ity zazalahy eto ity. Nandà izy, nolaviny ny Fiainana Mandrakizay, satria ny laharany aratsosialy no ho vidin'Izany, ny ho vidin'Izany ho azy dia ny-ny-ny zava-tsoan'ny vola, ny ho vidin'Izany ho azy dia ny fiombonany ao amin'ny fiangonany, ny ho vidin'Izany ho azy dia zavatra marobe. Fantany izay ho vidin'Izany ho azy, zazalahy mato-tsaina izy, ary tsapany fa tsy afaka handoa an'ilay vidiny izy. Kanefa nieritreritra izy hoe, "Hitoky amin'ny fivavahako fotsiny aho ary hanohy." Saingy fantany tao am-pony fa nisy zavatra iray mikasika an'i Jesosy Kristy izay hafa noho ireo mpisorona tamin'izany andro izany.

¹⁹² Ary ny Hafatra rehetra izay tonga, ny tena izy, Hafatra naterak'Andriamanitra, dia samihafa amin'ilay firehana tranainy. Rehefa niseho ny fanasitranana avy amin'Andriamanitra, vao tsy ela akory izay, dia voamarikareo ve hoe toy ny ahoana no nanarahan'ireo mpaka tahaka an'izany? Hitanareo? Ary ny tsirairay avy amin'izy ireo dia ao amin'ireo rafi-pandaminany mihitsy, mijanona ao. Misy olona mahafantatra ve fa tsy maintsy nisy Hafatra iray nanaraka an'izany? Nahoana, tsy mampifalifaly antsika Andriamanitra! Misintona ny fifantohantsika amin'ny zavatra anankiray Izy, ary rehefa misintona ny fifantohantsika Izy, amin'izay fotoana izay dia manolotra Ny Hafany Izy.

¹⁹³ Jereo rehefa tonga voalohany teto an-tany Izy, ka nanomboka ny Asam-panompoany, "O Raby tanora, tianay ho eto amin'ny fiangonanay eto Ianao. Izahay... Tongava eto." Ilay Mpaminany tanora. "Oh, tianay ho eto Ianao. Avia eto."

¹⁹⁴ Fa indray andro nitsangana Izy ka nanao hoe, "Izaho sy Ny Raiko dia Iray."

¹⁹⁵ "Oh, oadray! Manao ny Tenany ho Andriamanitra Izy."

¹⁹⁶ "Raha tsy mihinana ny Nofon'ny Zanak'olona sy misotro Ny Râny ianareo, dia tsy manana Fiainana ao anatinareo."

¹⁹⁷ "Vampira Izy! Tsy hanao na inona na inona amin'izany izahay."

¹⁹⁸ Nipetraka tsara teo ireo apostoly; an'arivony no nandao Azy, saingy ireo apostoly ireo no voatendry ho amin'ny Fiainana. Izy no niteny an'izany. Tsy afaka nanazava an'Izany izy ireo; nino an'Izany izy ireo. Nijanona tsara niaraka tamin'Izany izy ireo satria, hoy izy ireo, "Tsy misy olona mahay manao an'ireo asa ireo."

¹⁹⁹ Na ireo mpisorona aza dia nahafantatra an'izany. Hoy Nikodemosy hoe, "Fantatray" (ilay fivoriamben'ny Synedriona) "fa tsy misy olona afaka manao an'ireo asa ireo raha tsy avy amin'Andriamanitra izany." Hitanareo?

²⁰⁰ Petera, tamin'ny Andron'ny Pentekosta, nanao hoe, "Jesosy avy any Nazareta, Lehilahy iray nasehon'Andriamanitra teo anivonareo. Andriamanitra no niaraka Taminy."

²⁰¹ Jereo ao amin'ny Soratra, izay nolazain'ny Soratra fa hatao. Hoy Jesosy hoe, "Zahao ny Soratra, ao Aminy no heverinareo fa hanananareo ny Fiainana Mandrakizay. Izy ireo no manambara Ahy. Raha nahafantatra an'i Mosesy ianareo, dia ho nahafantatra Ahy, satria nanoratra i Mosesy fa ho avy Aho, ao amin'ny endrika izay Hahatongavako." Tonga amin'ny maha-Zanak'olona Izy.

²⁰² Tonga tamin'ny anarana telo Izy, amin'ny maha-Andriamanitra. Telo (toy ny Ray, Zanaka, ary Fanahy Masina), Andriamanitra iray ihany, ao amin'ny toetra telo.

²⁰³ Noho izany ankehitriny, ihany koa, fanamarinana, fanamasinana...; Luther, Martin, ary—ary ny—ary ny Pentekotista; zavatra mitovy: toetra telo, toerana telo, taom-piangonana telo.

²⁰⁴ Zavatra mitovy: rano, rà, ary fanahy. Oh, arakaraky ny handrosoanareo fotsiny, ireo no singa telo izay mitondra anareo miverina ao amin'ilay vatana. Tahaka ny itondran'izany anareo avy ao amin'ny fahaterahanareo ara-boajanahary, no anaovany tandindona ny fahaterahanareo ara-panahy. Teraka ny zazakely, ny zavatra voalohany dia rano, ny manaraka dia rà, ary avy eo ny aina. Izany no fomba idiranareo ao amin'ny Fanjakan'Andriamanitra, ilay fomba mitovy. Hitanareo? Izany no fomba idiran'ny Fiangonana, ilay fomba mitovy. Zavatra mitovy. Ankehitriny mariho fa teo amin'ireo zavatra telo ireo, no nanaovan'Andriamanitra Ny...anaovany ny Vatany.

²⁰⁵ Ankehitriny hitantsika izany eto, fa manana zò iray ianareo ao amin'ny safidinareo. Mifidy ny zazavavy izay tianareo ho vadiana ianareo; raha manaiky anareo izy, dia tena tsara.

²⁰⁶ Avy eo zavatra hafa iray, manana safidy iray ianareo na te-ho velona na tsy te-ho velona. Mifidy ianareo ankehitriny eo amin'ny Fiainana sy fahafatesana. Afaka ny ho velona ianareo.

²⁰⁷ Nanana an'izany safidy izany io zazalahy io. Nahomby izy tamin'ny zavatra hafa rehetra, lehilahy mpivavaka iray, saingy

fantany fa rehefa ilay... Niteny an'izany tamin'ny alàlan'ny tenany izy hoe, "Efa notandremako ireo didy rehetra ireo fony aho mbola zaza," saingy fantany fa tsy nanana ny Fiainana Mandrakizay izy. Hitanareo? Ary nanana safidy iray izy ny hanaiky an'IZany na handà an'Izany, ary nolaviny Izany. Izany ilay fahadisoana mahafaty indrindra izay hany vitany. Ny sisa amin'izany dia tsy hisy tontaliny. Izany dia tsy, izany dia tsy misy tontaliny, raha tsy maka an'Io safidy io ianareo.

²⁰⁸ Ankehitriny ndao isika hanaraka azy tamin'ny safidiny, ka hahita hoe nitarika azy nankaiza izany. Ankehitriny, jereo hoe taiza nonofidiany. Ankehitriny, jereo, izy dia—izy dia lehilahy manan-karena, lehilahy mpandrahahaha izy, mpanapaka izy, ary lehilahy mpivavaka izy. Io rehetra io!

²⁰⁹ Amin'izao andro izao dia hilaza isika hoe, "Ry tovolahy, izy dia Metodista iray tena izy, na Batista, na Pentekotista. Izy—izy dia tena olona iray, zazalahy tena tsara iray. Mahafinaritra!" Tsy misy na inona na inona azonareo lazaina momba azy; tsara fanahy, mahafinaritra, tia fihavanana, sy ny sisa. Tsy nisy tsi-fahamendrehana mikasika azy. Izy angamba tsy nifoka, nisotro, na nanenjika fampisehoana sy fandihibana, ary na inona na inona hiantsoantsika azy amin'izao andro izao, arak'izay hanakilasiantsika ny Kristiana iray. Saingy tsy mbola izany no Fiainana Mandrakizay! Tsy izany no resahantsika. Mety ho efa nahatoky izy tamin'ny fiangonany, angamba mety ho izany izy tao. Saingy, hitanareo, dia nitarika azy ho inona ilay izy? Fitiavan-daza lehibe. Ndao ataontsika hoe, raha mpitory teny iray izy, dia ho afaka izy... .nanana fiangonana tsara iray. Mety ho efa lohan'ny presbytera izy na eveka iray. Hitanareo? Izany no mitarika anareo ho amin'ny fitiavan-daza, ary izany no nitarika azy tany amin'ny harena sy tany amin'ny laza.

²¹⁰ Mety manao an'ilay zavatra iray ihany izany amin'izao andro izao, manana talenta lehibe hihira ianareo. Nieritreritra an'ilay tovolahy aho vao teo izay nihira an'ilay hira teto; toy ny ahoana no nanomezany an'izany ho an'ny devoly, ary ankehitriny nalaindy indray izany... .Ary inona no mahassamihafa azy amin'i Elvis Presley sy ny sasany amin'izy ireo. Pat Boone, sy ny tarika tahaka an'izany, Ernie Ford, ireo zalahy ireo, mpihira malaza; ary naka an'ireo talentany, ireo talenta nomen'Andriamanitra, ary nampiasa an'izany mba hamelomana an'ireo—ireo asan'ny devoly. Marina izany. Ny mpihira malaza sasany dia mivarotra an'ireo talenta nomen'Andriamanitra azy ireo ho an'ny laza ao amin'ity izao tontolo izao ity, mba ho lasa olona ambony. Ahoana no hahalasa anareo ho "vatana" iray mihoatra noho izay vitanareo, mba ho lasa olona ambony iray, mihoatra noho ny maha-zanak'Andriamanitra iray?

²¹¹ Tsy ahoako na tompon'ny tanàna rehetra aza ianareo, izao tontolo rehetra izao, nefo ianareo tsy nanaiky ny fitarihan'ny Fiainana Mandrakizay amin'ny alàlan'ny Fanahy Masina

(Kristy), ahoana no handehananareo... Iza moa ianareo, na izany aza? Mety maty iray izay maty ianareo, maty ao amin'ny fahotana sy fandikan-dalàna! Te-ho mpivavaka arak'izay tianareo; te-hahatoky amin'ny fiangonana arak'izay tianareo; ry mpitoky teny, raha te-ho eo amin'ny polipitra ianareo; nefà mandà, dia maty ianareo!

²¹² Tena nahomby izy. Tena nahomby izy teto tao amin'ity fiainana ity. Izany tokoa. Hitantsika izy raha mahamarika isika... Avy eo hitantsika ity lehilahy ity, fa nandeha izy... Raha manaraka azy kely isika, dia hitantsika fa nahazo fahombiazana lehibe iray izy. Ary manaraka azy ao amin'ny Baiboly isika. Mahamarika isika fa izy—izy... Hitantsika izy fa lehilahy manan-karena iray. Nanana toerana tena goavana be izy, izy no nandray ny mpitsara sy ny ben'ny tanàna, na inona koa. Teo an-tampon'ny tafo-tranony izy, ary nanao fanasana lehibe izy; sy mpandroso sakafo betsaka, ary vehivavy, zazavavy, sy ny zavatra hafa rehetra, nanodidina azy. Ary nisy mpangataka iray nипetraka teo am-bavahady, nantsoina hoe Lazarosy. Izy no mamafa an'ireo sombintombiny ho azy. Fantatsika ny tantara. Ny zavatra manaraka, dia mitohy amin'ny fahombiazana izy, tahaka ny ananan'ireo fiangonana amin'izao andro izao mihitsy.

²¹³ Lehilahy mpandraharaha iray izay mipetraka eto, no niteny tamiko hoe, "Eto California eto mihitsy, dia tsy maintsy miteny amin'ny sendikà an'izay hatao ny fiangonana." Hitanareo, ho lasa fiangonana sy fanjakana indray izany. Eo aminareo mihitsy izany. Hitanareo, ao anatin'izany mihitsy ianareo, ary mandray an'ilay mariky ny bibidia ianareo nefà tsy mahafantatra an'izany.

²¹⁴ Raha efa mba nividy ny iray amin'ireo horonam-peoko ianareo, dia alaivo ity, rehefa tonga aho—rehefa tonga any an-trano aho, *Ny Dian'Ilay Menarana*; ary ho hitanareo hoe aiza izany, ho hitanareo hoe aiza no iafaran'io. Hiverina any an-trano aho ankehitriny mba hiresaka an'izany, raha sitrapon'ny Tompo. Eo amin'ny adiny efatra eo izany, noho izany dia tsy afaka hitondra an'izany ao amin'ny anankiray amin'ny fivoriana tahaka an'izao aho. Tsy maintsy mandeha any aho izay iaretan'ilay fiangonana ela be miaraka amiko, am-paharetana. Mariho. Fa ankehitriny afaka mihaino amin'ilay horonam-peo any an-tranonareo ianareo indray andro any.

²¹⁵ Mariho ity, ankehitriny hitantsika fa tena nahomby izy. Avy eo hitantsika izy taty aoriana fa mbola nahomby kokoa, hany ka hoy izy hoe, "Manana betsaka tokoa aho!" Ry tovolahy, izy dia ho zalahy tena izy iray amin'izao andro izao. Sa tsy izany? "Na ny sompitro rehetra aza dia feno tanteraka, mitresaka izy ireo. Ary nanana betsaka tokoa aho hany aho ka nanao hoe, 'Oh, ry fanahy, mitsahara ianao.'"

²¹⁶ Saingy, ny nataony tany amin'ny voalohany, dia nandà ny fitarihan'i Jesosy Kristy izy. Ny fiangonany, ny fahalalany, ny fianarany, sy ny rehetra, dia nitarika azy tany amin'ny fahombiazana iray. Tia azy ny Jiosy rehetra. Nanome ho azy ireo izy, nanampy azy ireo izy, izy mety efa nanao an'ity, *itsy*, na ny *hafa*. Fa, hitanareo, nolaviny ny—ny—ny fitarihan'i Jesosy Kristy, ilay Fiainana Mandrakizay. Ary izany... Hoy ny Baiboly hoe, hoy Izzy hoe, “Ianao ry adala, anio alina no halaina ny fanahinao.”

²¹⁷ Ary ankehitriny hitantsika izy (ilay toerana manarakaka) ao amin'ny helo; nanandratra ny masonry ka nahita an'ilay mpangataka, izay navelany teo an-dàlambe, teo an-tratran'i Abrahama. Fahadisoana mahafaty iray toy ny inona! Ahoana fa ireo fiangonana dia—dia—dia—dia—dia tena tao amin'ilay lèlana izay nandehanany tsara mihitsy, saingy mbola tsy nanana ny Fiainana Mandrakizay foana izy ireo.

²¹⁸ Mampahatsiaro ahy ny toriteny iray izay notoriako teto vao tsy ela akory izay, *Ny Fanatatavanana'ny Lehilahy Misaina*. Mety efa nanananareo izany. Nandeha aho, nandehandeha nanerana ny ala, nihaza vontsira aho (tamin'io fararano io) ary njery ambany. Ary, mazava ho azy, tsy afaka milaza an'ilay orinasan-tsigara aho. Fantatrareo izany. Ary nipetraka teo ny—ny fonosan-tsigara iray nipetraka teo. Fa nandalovako fotsiny ilay izy, nitady aho...tao anaty ala. Ary nahita an'io fonosana io nipetraka teo aho, dia nojereko indray, izao no voalazany, “Ny fanatatavanana'ny lehilahy misaina, ny tsiron'ny lehilahy mifoka.” Nanomboka nandehandeha eran'ny ala fotsiny aho.

²¹⁹ Dia hoy ny Fanahy Masina hoe, “Miverena ary alaivo io.”

²²⁰ Notakariko ilay izy ary nalaiko, “Ny fanatatavanana'ny lehilahy misaina, ny tsiron'ny lehilahy mifoka.” Nieritreritra aho hoe, “Ny fikambanana Amerikana eto, dia mivarotra ny fahafatesana eo ambanin'ny fisaronan-tava, ho an'ireo Amerikana terataniny manokana.” Ny fanatatavanana'ny lehilahy misaina? Ianareo... Sy ny tsiron'ny lehilahy mifoka?

²²¹ Tany amin'ny Foara Iraisam-pirenena aho, niaraka tamin'i Yul Bryan... Brynner, sy izy ireo tany, rehefa nanolotra an'io fanandramana rehetra io izy. Ary toy ny ahoana no nametrahany sigara anankiray ka nisintonany ny...teo amin'ny vatoftsy iray ka naka an'ilay... Nofafany ilay nikotina ary napetrany teo amin'ny lamosim-boalavo iray izany, voalavo fotsy iray, ary afaka fito andro dia tena feno homamiadana izy ka tsy afaka nandeha. Dia hoy izy ireo hoe, “Fantatrareo, milaza izy ireo hoe ‘fanatatavanana,’” hoy izy ireo, “tsikombakomba iray ilay izy, hivarotana sigara betsaka.”

²²² Mila nikotina betsaka mba hahafa-po an'ilay devoly. Marina izany. Ary rehefa maka fanatatavanana-tsigara iray ianareo, dia mila eo amin'ny sigara efatra eo izany haka ny toeran'ny

anankiray. Tsikombakomba iray izany mba hivarotana sigara betsaka aminareo. Tsy afaka mahazo setroka ianareo raha tsy mahazo tara ianareo; ary amin'ny tara, dia tratry ny homamiadana ianareo. Hitanareo ve hoe ahoana ilay izy? Ary ireo Amerikana jamba, izay miandry bitro iray hivoaka avy ao amin'ny satroka iray any ho any, dia latsaka ao amin'izany izy ireo. Tsy afaka mahazo an'izany ianareo; fahafatesana izany, tsy ahoako izay fomba handehananareo, fahafatesana izany na aiza na aiza alehanareo. "Ny fanatatavanana'ny lehilahy misaina," ny lehilahy misaina iray dia tsy hifoka mihitsy, marina izany, raha manana fisainana mihitsy izy.

²²³ Eny, nieritreritra aho fa azo ampiharina amin'ireo fiangonana mihitsy izany. Hitanareo? Mieritreritra aho hoe, manana fanatatavanana iray ve Andriamanitra? Eny.

²²⁴ Ary ny fiangonana tsirairay dia manana fanatatavanana iray. Marina izany. Manatatavana an'ireo izay miditra izy, ary mamela fahafatesana betsaka hiditra koa izy ireo.

²²⁵ Ahoana no mba hahafahanareo hampandalo anaram-piangonana iray ao amin'ny Fanatatavanana'Andriamanitra? Ahoana no hahafahanareo manao an'izany? Ahoana no hahafahanareo hampandalo vehivavy mitapa-bolo iray ao amin'izany Fanatatavanana izany? Lazao ahy. Ahoana no mba hahafahanareo hampandalo vehivavy iray izay manao pataloha Ao, nefá "Fahavetavetana ho azy ny manao fitafian-dehilahy"? Hitanareo, hitazona azy ao ny Fanatatavanana'Andriamanitra, tsy hamela azy hiditra Izany. (Saingy manana an'ireo fanatatavanany manokana ny fiangonana.) Noho izany dia milaza aho fa misy ny Fanatatavanana'ny lehilahy misaina iray, ny Tenin'Andriamanitra izany, ary mety amin'ny tsiron'ny lehilahy masina iray Izany. Marina izany, lehilahy masina iray; tsy lehilahim-piangonana iray, fa tsiron'ny lehilahy masina iray. Satria madio Izany, fahamasinana, Tenin'Andriamanitra tsy mifangaro! Misy ny Fanatatavanana'ny lehilahy misaina. Ary ry mambram-piangonana, manoro hevitra anareo aho mba hampiasa an'Io anankiray io.

²²⁶ Satria izany dia mampiditra ao amin'izao tontolo izao, ary ny vongana anankiray amin'izany dia fahafatesana. Vongan'ny masirasira anankiray, ilay masirasira kely anankiray no mampahasirasira ny vongana manontolo. "Na iza na iza hanaisotra Teny anankiray avy ao amin'Ity, na hanampy teny anankiray amin'Izany, dia ho esorina ao amin'ny Bokin'ny Fiaianana ny anjarany."

²²⁷ Tao amin'ny sahan'i Edena, inona no niteraka ny fahafatesana, sy izao alahelo rehetra izao, ny aretim-po rehetra, ny zaza kely maty rehetra, ny tsakoahina rehetra ao amin'ny tenda, ny fikiakiaky ny fiara mpitondra marary rehetra, ny hopitaly rehetra, ny fasana rehetra? Dia satria nisalasala

tamin’ny Teny *anankiray* i Eva (tsy Izy rehetra), izany fotsiny no nanimba Azy. Ankehitriny, hoy Andriamanitra hoe, “Ny olona,” eto, “dia tokony hihazona ny Tenin’Andriamanitra *rehetra* izy.” Ankehitriny, izany no voalohan’ny Baiboly.

²²⁸ Tao afovoan’ny Baiboly, dia tonga Jesosy, ka hoy Izy hoe, “Tsy ny mofo ihany no iveloman’ny olona, fa ny Teny *rehetra* izay naloaky ny vavan’Andriamanitra.” Tsy hoe ampanahant’Ireo fotsiny, ny tsirairay avy.

²²⁹ Ao amin’ny faran’ny Baiboly, Apokalypsy 22, dia nanome ny fanambaran’ny Tenany Jesosy. Ny Fanambaran’ny—ny Baiboly dia Jesosy Kristy. Ary hoy Izy hoe, “Na iza na iza hanaisotra Teny *anankiray* avy ato, na hanampy teny *anankiray* amin’Izany, dia ho esorina ao amin’ny Bokin’ny Fiainana ny anjarany.”

²³⁰ Ankehitriny, raha mandalo amin’io Fanatatavanan’ny lehilahy misaina io ianareo, dia hanana ny tsiron’ny lehilahy masina iray ianareo rehefa mivoaka avy Ao. Marina. Hanana ny tsiro masina ianareo.

²³¹ Ranabavy, ianareo izay manao an’ireny akanjo ireny, eritrereto izany. Ianareo dia handeha... Hoy ianareo hoe, “Tsara toetra aho amin’ny vadiko.” “Tsara toetra aho amin’ny sakaizako.” “Zazavavy tsara toetra aho.” Saingy ahoana ny amin’ilay mpanota izay njery anareo? Rehefa mamaly noho ny fijangajangana izy, dia iza no nanao an’ilay izy? Hitanareo, ho meloka ianareo. Hitanareo voasoratra ao amin’ny Teny izany, koa izany no... Hitanareo? Oh, aoka ho vehivavy misaina. Aoka ho misaina...

²³² Mety milaza ianareo hoe, “Izany dia mety...” Eny, ahoana moa raha tahaka an’izany no fitrangany? Izy no niteny an’izany, ary tsy misy Teny anankiray mety ho diso. Hitanareo?

²³³ Niteny tamiko ilay lehilahy malaza vao tsy ela akory izay, niantso ahy tao amin’ny efiranony, nanao hoe, “Hametra-tànana eo aminao aho, Rahalahy Branham. Hamotika ny asam-panompoanao ianao, raha mitory zavatra tahaka an’izany.”

²³⁴ Hoy aho hoe, “Ny asam-panompoana rehetra izay ho potehin’ny Tenin’Andriamanitra, dia tokony ho potika.” Hitanareo?

²³⁵ Hoy izy hoe, “Hametra-tànana eo aminao aho.” Hoy izy, “Nirahina hivavaka ho an’ny marary ianao.”

²³⁶ Hoy aho hoe, “Mino an’izany zavatra izany ve ianao, rahalahy?”

Hoy izy hoe, “Tsia. Saingy tsy asanay izany.”

Hoy aho hoe, “Asan’iza ilay izy, raha izany?” Hitanareo?

“Eny,” hoy izy, “asan’ny pasitera izany.”

²³⁷ Hoy aho hoe, “Jereo ny fiangonana.” Ah-hah. Marina izany. Hitanareo?

²³⁸ Mandalo isan-taona aho mitory an'ireo zavatra ireo, ary mieritreritra aho hoe, "Azo antoka fa azon'izy ireo Izany," miverina aho ny taona manaraka, dia misy mihoatra noho ny hatramin'izay. Hitanareo? Marina izany. Izany dia mba hanehoana fa "Maro no nantsoina fa vitsy nonofidiana."

²³⁹ Ny fitarihana dia ny Fanahy Masina, ry sakaiza. Izany no mitondra anareo sy mitari-dàlana anareo ao amin'ny Fahamarinana rehetra, rehefa tonga Izy ilay Fanahy Masina. Ankehitriny eritrereto izany. Raiso ilay Fanatatavanan'ny lehilahy misaina, izany dia ny Baiboly. Tsy ny fanekekem-pinoanareo, tsy ny fiangonanareo; ho very ianareo. Raiso ilay Fanatatavanan'ny lehilahy misaina.

²⁴⁰ Izay ilay tsy noeritreretin'ity zazalahy ity. Ny fanatatavanan'ny fiangonana no nalainy. Lasa nalaza izy, lehilahy malaza iray, "Saingy nanandratra ny masonry izy tao amin'ny helo, tao anatin'ny fampijaliana."

²⁴¹ Ankehitriny raiso ilay Fanatatavanan'ny lehilahy misaina, Jesosy Kristy, ny Teny, fa haniry ny tsiron'ny lehilahy masina iray ianareo, satria Io no hahafa-po an'izany. Raha manana ny Fanahy Masina ao aminareo ianareo, dia Ity no mahafa-po an'izany.

²⁴² Raha tsy eo ny Fanahy Masina, hoy ianareo hoe, "Oh, eny, tsy mihevitra aho fa midika fahasamihafana izany." Jereo izay nataonareo teo mihitsy! Zavatra mitovy tamin'izay nataon'i Eva. Miverina avy hatrany any amin'ilay toerana iray ihany ianareo.

²⁴³ Ankehitriny ndao isika handeha lavidavitra kely. Ankehitriny ndao isika haka... hamela an'io lehilahy io eo, izay tsy nampiasa an'ilay Fanatatavanan'ny lehilahy misaina. Nandà ny hanaiky ny fitarihan'i Jesosy Kristy izy, ho any amin'ny Fiainana Mandrakizay.

²⁴⁴ Ankehitriny ndao isika haka mpanan-karena hafa iray, mpandraharaha tanora, mpanapaka iray niaraka tamin'ny fanararaotra nitovy tamin'izay nananan'io lehilahy io. Ary nanaiky an'Izany, nanaiky ny fitarihan'i Kristy izy. Ankehitriny, misy roa amin'izy ireo ao amin'ny Baiboly izay ho resahantsika. Io anankiray io dia hitantsika fa nandà an'Izany, ankehitriny ndao isika haka an'ity lehilahy ity: mpanan-karena hafa iray, mpandraharaha tanora, ary mpanapaka iray. Ary nanaiky an'ilay Fitarihana izy.

²⁴⁵ Miresaka ny amin'ity lehilahy ity ny Soratra, raha tianareo ny handray naoty an'izany, ao amin'ny Hebreo 11:23 ka hatramin'ny 29.

... Mosesy, tamin'ny alàlan'ny finoana, *dia nandà ny ho antsoina hoe zanaky ny zanakavavin'i Farao;*

Aleony nifidy ny hijaritra ny fahoriania avy amin'Andriamanitra...

Nandray ny latsan'i Kristy ho harena be lavitra noho ny harena rehetra an'i Egypta: . . .

²⁴⁶ Hitanareo, nanaiky ny Fiainana Mandrakizay izy. Mosesy dia nandray ny—ny—ny latsan'i Kristy ho harena be lavitra noho ny harena rehetra izay nananan'izao tontolo izao. Nandray an'Izany ho lehibe indrindra i Mosesy. Ankehitriny, ity lehilahy manankarena ity dia tsy nanao an'izany.

²⁴⁷ Ary mpanan-karena iray i Mosesy, mpanapaka tanora, mba ho lasa Farao iray. Zanakalahin'i Farao izy, ary mpandova an'ilay seza fiandrianana. Dia nandinika an'ilay tsy azo atao izy, andiana mpihosom-potaka iray, andiana andevo iray. Saingy tamin'ny alàlan'ny finoana no nahitany ny teny fikasan'Andriamanitra, tamin'ny alàlan'ny Teny, "Hoe hivahiny any amin'ny firenen-kafa iray mandritry ny efajato taona ny vahoakany, ka ho entina hivoaka kosa amin'ny tånama mahery iray." Ary izy dia nandray an'Izany (haleloia) ho harena be lavitra noho ny harena rehetra an'i Egypta, satria nandao an'i Egypta izy ka tsy nahafantatra an'izay halehany. Notarihan'i Kristy izy. Nandao izy!

²⁴⁸ Ary efa teo amin'ny seza fiandrianana ny tongony iray, ary izy dia afaka ny ho—ny ho Farao manaraka tao Egypta. Saingy nandray ny latsan'i Kristy izy. Ny latsa! Mba hantsoina hoe "ilay mahatsikaiky," mba hantsoina hoe "fanatika," mba haka ny toerany miaraka amin'ireo mpihosom-potaka sy ireo fanaticika; satria hitany fa ilay ora, izay nampanantenain'ny Soratra fa ho tanteraka, dia teo tamin'izany.

²⁴⁹ Ary O ry fiangonana, mifohaza! Tsy afaka mahita an'ilay zavatra mitovy ve ianareo izao hariva izao? Eo amintsika ilay ora izay nampanantenaina. Raiso ny latsan'i Jesosy Kristy ho harena be lavitra noho ny fiombonana amin'ny zavatra rehetra; raha mila ny ray sy ny reny izany, fiangonana, ny zavatra hafa rehetra. Arahō ilay fitarihan'ny Fanahy!

²⁵⁰ Ndao isika hanaraka an'ity Kristy ity mandritry ny fotoana fohy, ity Mosesy ity, vetivety, izay nanao an'izany; ndao isika handinika ny fiainany. Ny zavatra voalohany, rehefa avy nanaiky ny handray ny latsan'i Kristy izy ka nandao ny fianarany, nandao ny fahendreny rehetra. . . Nampianarina tao amin'ny fahendren'ny Egyptiana rehetra izy. Ary ny lazany rehetra, ny seza fiandrianany, ny tehiny, ny fiandrianany, ny satroboninahiny, ny zavatra rehetra izay nananany, dia nolaviny izany!

²⁵¹ Ary nila an'izany ity lehilahy hafa ity, ka nandà an'i Kristy; fa nandà an'izany ity lehilahy ity, ka nanaiky an'i Kristy. Ary vetivety dia inona no nitranga? Tsy maintsy nampisaraka ny tenany izy.

²⁵² Haleloia! Ny dikan'ilay teny dia "Derao ny Andriamanintsika!" Mampalahelo loatra fa adinontsika izany.

²⁵³ Nolaviny ireo sezà fiandrianana sy ilay laza. Afaka nahazo tovovavy izy tamin'ny . . . vady aman-jatony, ary afaka nanana tehina izy teo ambanin'i Egypta, nanapaka an'izao tontolo izao! Nipetraka teo an-tongony mihitsy izao tontolo izao, ary izy no mpandova hatramin'ny kely indrindra. Saingy teo am-pijerena ny Soratra ka nahita an'ilay andro izay niainany, dia fantany fa ilay Zavatra tao aminy, izay Voan'Andriamanitra voafidy mialoha dia nandeha niasa!

²⁵⁴ Tsy ahoako na mety malaza toy ny ahoana aza ianareo, na mety ho *ity* toy ny ahoana, mety ho presbytera iray ianareo, mety ho pasitera iray ianareo, ianareo mety ho *ity*, *itsy*, na ny *hafa*, fa raha io Tenin'ny Fiaianana Mandrakizay tamin'ny alalan'ny Tenin'Andriamanitra io no efa voatendry mialoha tao anatinareo, ka hitanareo fa antomotra ilay zavatra, dia mandeha miasa izany, mihetsika tahaka an'izao. [Manapoapoaka ny rantsan-tànany imbetsaka Rahalahy Branham—Mpand.] Manomboka mivoaka! Manomboka mahazo an'Izany!

²⁵⁵ Ary nandà ny ho antsoina hoe zanaky ny zanakavavin'i Farao izy, satria nandray ny latsan'i Kristy ho harena be lavitra noho ny harena rehetra an'i Egypta na izao tontolo izao. Nandray an'Izany izy. Diniho izay nataony, nanaraka an'Izany izy. Teo, haingana mihitsy dia voaroaka teo amin'ny olony izy, ilay olona izay tia azy fahiny.

²⁵⁶ Mety ho ny zavatra rehetra izay anananareo no vidin'Izany aminareo. Mety ho ny tokantranonareo no vidin'Izany aminareo, mety ho ny fisakaizanareo no vidin'Izany aminareo, mety ho ny toeranareo ao amin'ireo Kiwanis no vidin'Izany aminareo. Mety ho Izany. Tsy fantatro hoe inona no ho vidin'Izany aminareo, fa mety ho ny zavatra rehetra izay momba an'izao tontolo izao na izay an'izao tontolo izao no vidin'Izany. Tsy maintsy manasaraka ny tenanareo amin'ny zavatra rehetra izay momba an'izao tontolo izao ianareo. Tsy maintsy manao an'izany ianareo.

²⁵⁷ Nesorin'i Mosesy ny zavatra rehetra ary nandeha tany antany efitra izy niaraka tamin'ny tehina iray teny an-tànany. Amena! Lasa ny andro sy ny andro. Ary manontany aho raha mba nieritreritra izy fa hoe nanao fahadisoana iray? Tsia.

²⁵⁸ Matetika ny olona dia manomboka mivoaka, ary hoy izy ireo hoe, "Oh, hataoko izany. Voninahitra ho an'Andriamanitra, hitako Izany!" Avelao anie ny olona iray hihomehy anareo sy haneso anareo, "Angamba diso aho."

²⁵⁹ Hoy Izy hoe, "Ireo izay tsy mahatanty famaizana dia zazasary fa tsy zanak'Andriamanitra." Hitanareo, taitaitra eo ambonin'ny fihetseham-po izy ireo. Hitanareo, ilay voa izay noresahako vao teo, tsy tao io fanahy io hatrany am-boalohany. Voahosotr'ilay Fanahy izany, ary nanao ny karazany rehetra izy. Oh, ianareo, izy ireo . . . Rehefa voahosotra ny fanahinareo, dia

afaka ianareo... Izany dia tena, Fanahy Masina tena izy, nefà mbola mety ho devoly iray foana ianareo.

²⁶⁰ “Oh,” hoy ianareo, “Rahalahy Branham!”

²⁶¹ Ireo mpaminany sandoka! Hoy ny Baiboly hoe, “Amin’ny andro farany dia hisy mpaminany sandoka.” Hoy Jesosy hoe, “Hisy ireo kristy sandoka hitsangana.” Tsy hoe “ireo Jesosy sandoka,” ankehitriny, tsy misy olona hanaiky an’izany; fa “ireo kristy sandoka.” *Kristy* dia midika hoe “ireo voahosotra.” Voahosotra tamin’ny sandoka; voahosotra izy ireo, saingy sandoka izy ireo ao amin’ilay fanambanin’izany, ary manao an’ireo famantarana lehibe sy fahagagana, miteny amin’ny fiteny tsy fantatra, mandihy ao amin’ny Fanahy, mitory ny Filazantsara.

²⁶² Nanao an’izany i Jodasy Iskariota! Simeona... na tsia, miala tsiny aminareo aho... Kaifa dia naminany! Balama, ilay mpihatsaravelatsihy! Azo antoka, dia nanao an’ireo famantarana rehetra, sy ny sisa, ireo hetsika ara-pivavahana rehetra.

²⁶³ Saingy, hitanareo, raha mametraka voan-tsipolitra iray ianareo ary voam-bary iray ao amin’ny tany fambolena iray ihany ka manondraka rano eo ambonin’izy ireo sy manosotra azy ireo, dia samy ho faly izy ireo. Samy hitombo amin’ny alàlan’izany izy ireo, ilay rano iray ihany. “Ny masoandro dia mamiratra eo amin’ny marina sy ny tsy marina, ary ny ranonorana dia milatsaka eo amin’ny marina sy ny tsy marina, saingy ny voany no hahafantaranareo azy ireo.” Ahoana no ahafahanareo hiala tsy hilahatra amin’ny Teny? Amen. Hitanareo ve izay tiako ho lazaina? “Ny rano dia milatsaka eo amin’ny marina sy ny tsy marina,” voahosotra.

²⁶⁴ Hoy Jesosy hoe, “Hanatona Ahy izy ireo amin’izany andro izany, hanao hoe, ‘Tompo! Tompo! Tsy efa nandroaka devoly ve aho? Tsy efa naminany ve aho? Tsy efa nanao zavatra lehibe tamin’Ny Anaranana ve aho?’” Hilaza Izy hoe, “Ianareo mpanao meloka, miala Amiko, tsy mahafantatra anareo akory aza Aho. Mandehana mankany amin’ny helo mandrakizay izay efa nomanina ho an’ny devoly sy ny anjeliny.” Hitanareo? Teny toy ny inona! Sandoka. Manompo foana, ezaka foana. Nahoana ianareo no manao an’izany nefà tsy tokony hanao an’izany ianareo? Nahoana ianareo no maka mpisolo nefà ny Lanitra dia feno ny tena izy? Hitanareo? Tsy tokony hanao an’izany ianareo.

²⁶⁵ Ankehitriny dia hitantsika i Mosesy voahosotra, tsy nisy na inona na inona afaka nampiverina azy. Nihodina taminy ireo rahalahiny manokana; tsy nampijanona azy izany. Nandeha avy hatrany tany an-efitra izy. Ary indray andro tany, dia nihaona tamin’Andriamanitra nifanatrika izy, niaraka tamin’ny Andry Afo iray nihantona teo amin’ny roimemy iray. Hoy Izy, “Ry Mosesy, esory ny kapanao, ny tany izay ijoroanao dia Masina. Fa

efa Reko ny fitarainan’ny Oloko, ary efa Reko ny tolokon’izy ireo, ary Tsaroako ny Fampanantenako ao amin’ny Teny. Ka midina Aho, haniraka anao ho any Aho mba hamoaka azy ireo.” Izany tokoa. Nihaona tamin’Andriamanitra nifanatrika izy, niresaka Taminy izy. Nirahin’Andriamanitra izy.

²⁶⁶ Niverina avy hatrany Andriamanitra, ilay Andry Afo iray ihany, ka nanamarina an’io mpaminany io izay nitsangana teo amin’ilay tendrombohitra tany; mba hanaporofo fa izany ilay izy, rehefa Noraisiny ny tànany ka nanao an’ireo karazana fahagagana rehetra sy ny sisa. Oh, nanana an’ireo mpaka tahaka izy ireo. Oh, azo antoka. Nisy an’i Jambra sy Jana tany, nitsangana teo mihitsy, nanao an’ilay zavatra iray ihany izay nataon’izy ireo. Saingy iza ilay tany am-piandohana? Hitanareo? Avy taiza no nanombohan’izany? Avy tamin’ny Teny ve izany? Izany ve ilay ora?

²⁶⁷ Ary fantatrareo ve fa izany zavatra iray izany ihany no nampanantenaina indray amin’ny andro farany? “Tahaka ny nanoheran’i Jambra sy Jana an’i Mosesy, dia ho toy izany koa ireo olona ireo, izay maloto saina mikasika ny Fahamarinana.” Hitanareo, amin’ny andro farany. Ary hanao an’ilay zavatra iray ihany, (haka tahaka ny zavatra rehetra), ao amin’ilay lavaka iray ihany, “Ny kisoa mankany amin’ny lotony, ary ny alika mankany amin’ny loany.”

²⁶⁸ Ianareo Pentekotista izay nivoaka avy tamin’ireny rafi-pandaminana ireny taona maro lasa izay ary nanozona azy ireny, ireo rainareo sy reninareo; nefä dia niverina avy hatrany teo ianareo ka nanao an’ilay zavatra mitovy amin’izay nataon’izy ireo, ary ankehitriny dia ilay loto sy lô iray ihany. Hitanareo? Raha izany no nanao an’ilay Fianganana handò an’izany tamin’ny taona Pentekotista voalohany, dia izany no hanao Azy handò an’izany indray amin’izao andro izao. Hitanareo? Tsy maintsy hisy izany, na ahoana na ahoana, izany ilay akofa, izay tsy maintsy ho tonga. Tsy ny felana irery ihany no hisy; tsy maintsy ho tonga ny akofa, hitanareo, ilay mpitondra. Ankehitriny isika dia miaina amin’ny andro *farany*, diniho ireo zavatra izay nampanantenaina ho an’ilay ora.

²⁶⁹ Diniho ity Mosesy voamarina ity. Fantaro! Rehefa nandeha tany izy, dia nivadika nanohittra azy ny sasany tamin’ireo rahalahiny manokana, te-hanao rafi-pandaminana iray. Hoy izy ireo hoe, “Ianao dia manao toy ny hoe ianao irery ihany no lehilahy masina eo anivonay.” “Masina ny fianganana manontolo,” hoy Kora, Datana. “Ndao isika hifidy lehilahy ka hanao zavatra.”

²⁷⁰ Mosesy, izy... Nalahelo azy aho. Nandohalika izy, nanao hoe, “Tompo...” Nandohalika teo anoloan’ny alitara izy ka nanao hoe, “Tompo!”

²⁷¹ Hoy Andriamanitra hoe, “Saraho amin’izy ireo ny tenanao. Leo an’izany Aho.” Nosokafany fotsiny ny tany ary nitelina azy ireo. Izay ihany. Hitanareo, fantany ny fanirahany.

²⁷² Tsy mifanaraka amin’ny rafi-pandaminana Andriamanitra, tsy mifanaraka amin’ny vondrona Izy. Mifanaraka amin’ny isam-batan’olona Izy. Marina izany. Isan’andro. Tsy ao amin’ny vondrona; isam-batan’olona, olona anankiray. Amin’ny andro farany, hoy Izy hoe, “Mitsangana eo am-baravarana Aho ka mandondöna, raha misy olona iray...” (tsy hoe “vondrona iray”) “...olona iray handre Ny Feoko, Izaho dia...ka mihaino Ahy, dia hiditra ao aminy Aho ary hisakafo.” Hitanareo, “Raha misy olona iray afaka mandre.”

²⁷³ Ahoana no ahafahaha—ahoana no hahafahan’ity fanamafisam-peo ity hamokatra ny feoko any ankehitriny raha tsy efa natao ho an’izany izy? Afaka mikiakiaka eto amin’ity hazo fisaka ity aho, amin’ny heriko rehetra, fa tsy afaka hanao na inona na inona izy. Satria ity dia efa voatendry, sy natao,noforoina, mba ho fanamafisam-peo iray. Ary raha ao anatinareo ny Tenin’Andriamanitra avy amin’ny fanendrena mialoha an’Andriamanitra, ao anatinareo dia, “Ny ondriko mandre Ny Feoko. Mahafantatra ny Orako izy ireo. Tsy hanaraka olon-kafa izy ireo.” Hitanareo? Tsy maintsy misy an’izany aloha. “Izay rehetra nomen’ny Ray Ahy, dia hanatona izy ireo.” Ny tsirairay avy amin’izy ireo, hitanareo.

²⁷⁴ Ankehitriny dia manohy izy, ary indro eo amin’ny faran’ny fiainana. Izy dia nandalo fotsiny... Mariho rehefa tonga teo amin’ny faran’ny lâlana izy.

²⁷⁵ Ary hamarana isika ankehitriny satria efa tara izao, amin’ny folo sy dimy amby roapolo minitra. Mariho. Ankehitriny, any an-trano dia maraina be izao. Eo amin’ny roa na amin’ny telo izahay no manomboka miteny hoe, “Hono ho’aho, efa tara kely izao.” Hitanareo? Hitanareo? Fa ankehitriny, efa nitory alina iray imbetsaka aho, alina lava manontolo.

²⁷⁶ Nitory an’ity Filazantsara iray ity ihany i Paoly tamin’ny androny, ary tovolahy iray no nianjera avy teo amin’ny—ny rindrina ka namono ny tenany. Ary Paoly, niaraka tamin’izao hosotra iray izao ihany, niaraka tamin’izao Filazantsara iray izao ihany, dia nametraka ny vatany teo amboniny, dia niverina tamin’ny fiainana indray izy. Liana izy ireo. Teo am-piorenana ilay fiangonana. Nisy zavatra niseho. Mariho izay nitranga teto.

²⁷⁷ Mosesy, rehefa tonga izy... .

²⁷⁸ Ity lehilahy manan-karena ity, rehefa tonga izy, na, ilay mpanapaka tanora izay noresahantsika, mpivavaka tanteraka, ary nikambana tamin’ny fiangonana sy ny sisa, tsara, nianatra, lehilahy mpandraharaha tsara, sy ny sisa, rehefa tonga teo amin’ny faran’ilay lâlana izy, dia nanomboka nikiakiaka izy hoe, “Tsy misy azo aleha na aiza na aiza!” Taiza ilay mpitarika azy?

Efa notarihan'ny fiangonany izy, izay maty. Efa notarihan'izao tontolo izao maty izy, ka tsy nisy na inona na inona azo aleha ho azy afa-tsy izay efa nomanin'izao tontolo izao ho an'izany: ny helo.

²⁷⁹ Fa indro tonga i Mosesy, mpanompo mahatoky iray izay nandray ny latsan'i Kristy ho lehibe lavitra noho ny harena rehetra an'i Egypta. Tonga teo amin'ny faran'ilay lâlana izy, lehilahy antitra iray, antitra iray roapolo amby zato taona. Niakatra teo an-tendrombohitra, ary fantany fa fahafatesana no nipetraka teo anoaloany, ka njery nankany amin'ilay tany nampanantenaina izy. Ary njery izy; nipetraka teo ankilany teo, dia teo ilay Mpitarika azy, ilay Vatolampy. Nihanika teo amin'ilay Vatolampy izy, ka ireo Anjelin'Andriamanitra no nitondra azy nankao amin'ny Voninahitra—ny Voninahitr'Andriamanitra, teo an-tratran'Andriamanitra. Nahoana? Valon-jato taona taty aoriana, dia mbola notarihan'ilay Mpitarika azy foana izy.

²⁸⁰ Hitantsika izy teo amin'ny Tendrombohitra Fiovan-tarehy, nitsangana teo niaraka tamin'i Elia, niresaka tamin'i Jesosy talohan'ny Nandehanany teo amin'ny hazo fijaliana, valon-jato taona taorian'ny fahafatesana. Ilay—ilay Anankiray izay noraisiny, ilay latsan'ny asam-panompoany, ho harena lehibe lavitra noho ny laza rehetra an'izao tontolo izao sy ny vola rehetra an'izao tontolo izao, mbola nitarika azy foana ilay Mpitarika azy. Oh, oadray! Notarihana izy! Ny Mpitarika azy, Iz y no nitarika azy tamin'ny alàlan'ny fahafatesana, ireo aloky ny fahafatesana. Notarihana tao amin'ny fasana izy. An-jato taonany maro taty aoriana, dia nitsangana teo indray izy satria, hatramin'ny fahazazany, dia efa nifidy ny fitarihan'ny Fanahy Masina izy. Ho lehibe ny anarany rehefa tsy hisy Egypta sy harena intsony. Rehefa ho vovoka ireo pyramida, ary rehefa tsy ho Egypta intsony i Egypta, dia ho tsy mety maty eo anivon'ny olona i Mosesy satria nanaiky an'ilay fitarihan'i Kristy izy raha tokony nandeha tany amin'ny lâlana izay nalehan'ny fiangonany.

²⁸¹ Nisy hafa izay nanao an'ilay zavatra iray ihany. Jereo i Enoka. Nandeha niaraka tamin'Andriamanitra nandritry ny dimanjato taona izy, ary tamin'izay fotoana izay dia nahazo fanambarana iray izy hoe "Nahafaly an'Andriamanitra izy." Andriamanitra no nanamarina an'izany, ka nanao hoe, "Tsy misy ilàna anao ho faty, miakara fotsiny aty an-Trano izao tolakandro izao." Dia niakatra izy.

²⁸² Ary Elia. Rehefa avy nivazavaza an'ireo vehivavy nitapabolo sy ny sisa, arak'izay nataony tamin'ny androny, ireo Jezebel sy ny loko teo amin'izy ireo, rehefa avy leo an'izany izy, ka—ka nanao an'izay rehetra azony natao, ary ireo mpisorona rehetra dia naneso azy, sy ny zavatra hafa, nidina teo amin'ilay renirano izy indray andro. Ary teny am-pitan'ilay renirano

mihitsy dia nisy soavaly nifatotra teo amin'ny kirihibitra iray, kalesy afo iray sy soavaly afo. Niakatra tao avy hatrany izy, ary nanipy ny lambany tamin'ilay mpaminanay manaraka izay hanaraka azy, ka niakatra nankany An-danitra. Nanaiky ny fitarihan'ny Fiainana Mandrakizay izy, satria izany no Kristy izay tao amin'i Elia. Oh! Eny, tompoko!

²⁸³ Inona izany? "Manaraha Ahy!" Ankehitriny dia tsy maintsy misafidy ny mpitarika *anareo* ianareo. Tsy maintsy misafidy an'izany ianareo, ry sakaiza. Mijere ao amin'ny fitaratra fijeren'Andriamanitra, ny Baiboly, dia jereo hoe aiza ho aiza ianareo izao hariva izao.

²⁸⁴ Tantara kely iray. Ankizy kely iray, indray mandeha, izay nipetraka tany ambanivohitra. Tsy mbola nahita fitaratra iray mihitsy izy, ary tonga tao an-tanana izy mba hijery ny rahavavin-dreniny. Fa nanana trano iray izy...ary ireo trano trainainy taloha dia nanana fitaratra iray teo amin'ny varavarana; tsy fantatro raha mahatsiaro an'izany ianareo na tsia. Fa ity zazalahy kely ity, tsy mbola nahita fitaratra iray mihitsy izy. Noho izany dia nilalao eran'ny trano izy, ary njery izy tao amin'ilay... "Hah?" Nijery an'ilay zazalahy kely izy. Ary nikopakopaka izy, dia nikopakopaka ilay zazalahy kely. Ary nosintoniny ny sofiny, dia nisintona ny sofiny ilay zazalahy kely. Dia nanohy tahaka an'izany. Nitohy nandroso izy, nanakaiky, ary nitodika izy ka nanao hoe, "Mama! Izaho io!" Izaho io.

²⁸⁵ Mitovy amin'ny inona *ianareo*? Inona no arahinareo? Inona no efa nataontsika? Tsy maintsy misafidy ny *mpitarika* anareo ianareo. Misafidiana androany. Misafidiana ny Fiainana na ny fahafatesana. Ny safidinareo no hametra ny fitodianareo Mandrakizay, izay safidianareo. Tsarovy, hoy Jesosy hoe, "Manaraha Ahy." Ary asaina ianareo izao hariva izao hanao an'izany. Ary ny fanarahana Azy ho amin'ny Fiainana Mandrakizay dia tsy maintsy manatona ny Fepetrany ianareo, marina izany, ny Teny. Tsy eo ambonin'ny fanelekem-pinoana, tsy eo ambonin'ny hevity ny be sy ny maro, tsy eo ambonin'izay neverin'ny olon-kafa mikasika an'Izany, fa eo amin'izay nolazain'Andriamanitra mikasika an'Izany.

²⁸⁶ Hoy ianareo hoe, "Eny, Rahalahy Branham, mahafantatra vehivavy iray izay tena tsara araka ny maha-izy azy aho, manao an'ity izy. Mahafantatra lehilahy iray izay nandalo an'ity aho."

²⁸⁷ Tsy misy azoko atao amin'izay nataon'izy ireo. Ny Tenin'Andriamanitra, hoy Izy hoe, "Aoka ny tenin'ny olona ho lainga, fa ny Ahy ho Fahamarinana." Tsy maintsy manatona ny Fepetrany ianareo, manatona ny Didiny, ny Teny. Tsy afaka ny hanatona amin'ny alalan'ny fanelekem-pinoana ianareo. Tsy afaka manatona amin'ny alalan'ny anaram-piagonana ianareo. Tsy afaka mampifangaro an'Izany tahaka an'izany ianareo. Zavatra tokana ihany no azonareo atao: ny manaiky an'Izany eo

amin'ny Fepetrany, ka manaiky ianareo ny ho faty amin'ny tenanareo sy ireo fisainanareo rehetra, ary manaraka Azy. “Ilaozy ny zavatra rehetra an’izao tontolo izao, ka manaraha Ahy.”

²⁸⁸ Fantattro fa izao dia Hafatra henjana, mandrantsana, rahalahy. Saingy tsy tonga teto aho ka nisafidy ny—ny hafatra iray ho an’ny olona mba hiezaka fotsiny hanao azy ireo hihira, hiantsoantso, hihorakoraka. Efa tao amin’ireo favorian’ny mpanompo sampy aho izay nanaovan’izy ireo an’ilay zavatra iray ihany. Liana amin’ny fiainanareo aho. Mpanompon’Andriamanitra iray aho izay tsy maintsy hamaly an’Andriamanitra indray andro any, ary ny asam-panompoana izay nomen’ny Tompo ahy dia nanamarina ny tenany in’arivony teo anatrehanareo.

²⁸⁹ Tsarovy, hoy Jesosy hoe, “Manaraha Ahy. Manaraha Ahy. Ilaozy izay anananareo, dia manaraha Ahy.” Ary izany ihany no fomba tokana hahazoana ny Fiainana Mandrakizay. Izany ihany no fanafody izay Nomeny an’ity lehilahy ity, izany ihany no fanafody izay Nomeny an’ity lehilahy mpandraharaaha ity, izany ihany no fanafody Omeny ny olona rehetra. Ny Safidiny, Izzy no manao ny Fanapanahan-keviny, tanteraka foana izany. Ary tsy maintsy manaraka Azy isika, izany ihany no fomba hahazoana ny Fiainana Mandrakizay. Noho izany ny fitarihan’Andriamanitra dia: ny manaraka ny Tenin’ilay ora voamarin’ny Fanahy Masina.

Ndaosika hanondrika ny lohantsika.

²⁹⁰ Hametraka fanontaniana iray aminareo aho, ary tiako ho tena tso-po ianareo. Tiako ny anabavy hitendry an’ity ho ahy, *Reko Ny Mpamomjiko Miantso*. Fantattro fa izany no antso eny amin’ny alitara tamin’ny andro fahiny. Ary rahalahy, ranabavy, araka ny hitantsika, jereo fotsiny izay miseho amin’izao andro izao. Ankehitriny miaraka amin’ny lohanareo miondrika, dia mieritrereta mandritry ny iray minitra fotsiny, jereo izay miseho.

²⁹¹ Efa mba namaky ny gazety tamin’ny herinandro lasa ve ianareo hoe inona no nolazain’ilay lehilahy tany Angletera? Hoe “Ny fanohomboana an’i Jesosy Kristy dia zavatra iray namboamboarina fotsiny, namboarina fotsiny teo Aminy sy Pilato izany.”

²⁹² Efa hitanareo ve izay nolazain’ity teolojiana Amerikana ity? Nilaza izy fa “Jesosy dia nampatoriana fotsiny teo amin’ny ahitra mandragora.” Maro aminareo teolojiana eto no mahafantatra, any amin’ny Genesisy any izay nireshana ny amin’ny ahitra mandragora. Hampatory anareo izany toy ny hoe maty ianareo, zara raha midoboka ny fonareo mandritry ny roa na telo andro. “Ary rehefa nomen’izy ireo vinaingitra sy afero Izzy,” hoy izy ireo, “dia ahitra mandragora izany. Ary nataon’izy ireo tao am-pasana Izzy tany, ka natory tao nandritry ny telo

andro Izy. Ary, mazava ho azy, rehefa nandeha teo izy ireo, dia nahita Azy nandehandeha.” Azonareo eritreretina ve izany? Ireo teolojiana, seminera, mody-finoana. Noho izany dia ahoana eto amin’izao tontolo izao... Voalohany, ny Baiboly no nilaza fa Nolaviny izany, rehefa nasian’izy ireo vinaingitra sy afero tao amin’ny Vavany.

²⁹³ Ary zavatra hafa iray, raha izany no izy, nahoana àry ireo mpianatra no nanao hoe “iza no tonga na nangalatra Azy,” nahoana izy ireo no nanome ny ainy tamin’ny fanaovana maritiora ho Azy? Ary lavo, nanao ny tenany ho tsy mendrika ny ho faty tahaka ny Nahafatesany akory aza; napetrany nitsongoloka izy ireo ary nitsivalana teo amin’ireo hazo fijaliana sy ny sisa. Ary raha izy ireo no... fantany fa mpihatsaravelatsihy iray Izy ka mpihatsaravelatsihy ihany koa ny tenan’izy ireo, dia ahoana no hanomezan’izy ireo ny ainy ho Azy tahaka an’izany?

²⁹⁴ Oh, hitanareo, izany dia ity andron’ny fahaizana izay iainantsika ity. Ny fianarana, fandrosoana, sy ny firehana moderin’ilay andro, dia avy amin’ny devoly avokoa. “Fandrosoana avy amin’ny devoly?” Eny, tompoko! Ny Baiboly no nilaza fa izany io. Manana ny fahafatesana izao fandrosoana izao. “Hanana fandrosoana tahaka an’izao ve isika ao amin’ilay tontolo hafa?” Tsia, tompoko! Hanana karazana fandrosoana hafa iray isika. Ny fianarana, ireo zavatra rehetra ireo, avy amin’ny devoly izy ireo; ny siansa no manimba an’ireo zavatra ara-boajanahary, manao zavatra hafa.

²⁹⁵ Jereo izay nataon’izy ireo taminareo ankehitriny. Rehefa ireo ramatoa tanoranareo... Ny *Reader’s Digest* no nilaza, herinandro taorian’ny... volana talohan’ny farany, mino aho fa izay ilay izy. Ny *Reader’s Digest* no nilaza fa “Ireo tovolahy sy tovovavy dia ho tonga eo amin’ny taona antenatenany, ireo vehivavy dia hitsaha-jaza eo anelanelan’ny roapolo sy dimy amby roapolo taona.” Amin’ny taranaka anankiray amboniny, izy ireo dia tsy hisy afa-tsy... Ho mampatahotra ny fijery azy. Hitanareo? Ny haha-izy an’ireo olombelona dia, malemy, mohaka. Jereo ilay—jereo ilay fanahy, jereo hoe toy ny ahoana ilay fanahy ao amin’ny fiangonana, mifangaro, mifanambady amin’izao tontolo izao. Oh, ora toy ny inona! Mandosira, rankizy! Mandosira! Mandosira mankeo amin’ny Hazo fijaliana! Manatona an’i Kristy, avelao Izy no hitarika anareo.

²⁹⁶ Raha mbola manondrika ny lohantsika isika, ny masontsika mikimpy, ary azafady aondreho ny fonareo, amin’ny fotoana iray ihany. Sitrakareo ve? Te-hametraka fanontaniana iray aminareo aho. Tena njery ny tenanareo ve ianareo, tamin’Andriamanitra? Ary tsapanareo ve fa ianareo dia tsy eo amin’izay—izay tokony hisy anareo amin’izao ora izao? Satria ny Fampakarana dia mety ho tonga amin’ny fotoana rehetra. Hitanareo, ho tonga izany.

²⁹⁷ Hisy fotsiny ihany, raha—raha marina ilay filazana izay nataoko vao teo, dia hisy eo amin'ny diman-jato eo fotsiny ihany ny olona ho ao amin'ny Fampakarana, izay velona, hovàna izy ireo. Nahoana, raha raisina ny tontolo Kristiana rehetra miaraka, ny Katolika sy ny rehetra, dia olona diman-jato tapitriza fotsiny ihany, hitanareo, no milaza ny Kristianisma. Ary ny iray amin'ny iray tapitriza, dia ho olona diman-jato. Misy olona maro izay tsy hita isan'andro, manerana an'izao tontolo izao, izay tsy vitantsika akory aza ny manamarina azy ireny. Hitanareo, ho tonga izany, ary tsy ho fantatrareo akory mihitsy aza izany. Hanohy history teny ny olona, sy hilaza . . . Hitanareo, dia ho lasa izany rehetra izany.

²⁹⁸ Tahaka ny nolazain'i Jesosy. Nilaza izy ireo, hoy ireo mpianatra hoe, “Nahoana ireo mpanora-dalàna no milaza, manao hoe, ‘Elias tsy maintsy tonga aloha?’”

²⁹⁹ Hoy Izy hoe, “Efa tonga izy fa ianareo no tsy nahafantatra azy, fa izy ireo dia efa nanao taminy an’izay nolazain’izy ireo fa hataony.”

³⁰⁰ Fantatrareo fa tsy marina amin'Andriamanitra ianareo, ary tianareo ny ho tsarovana ao . . . amin'Andriamanitra, mba hanitsian'Andriamanitra ny fonareo amin'Andriamanitra. Ianareo ve am-panetre-tena fotsiny ankehitriny, ao amin'ity fotoana tena milamina ity, hanangana ny tānanareo? Tsy ahoako na iza ianareo na iza, hanao an’izany ve ianareo? Hoy ianareo hoe, “Hanangana ny tānako amin'Andriamanitra aho.” Andriamanitra hitahy anao. Andriamanitra hitahy anao.

³⁰¹ Mijery ao amin'ilay Fitaratra ve ianareo? Manontany anareo amin'ny Anaran'i Kristy aho, mijery ao amin'ilay Fitaratr'Andriamanitra ve ianareo? [Miteny amin'ny fiteny hafa ny rahalahy iray. Manome ny fandikana ny rahalahy iray—Mpand.] Amena.

³⁰² Te-hanontany zavatra anankiray aminareo aho. Firy no Pentekotista ato? Atsangano ny tānanareo, izay Pentekotista. Saiky ny tsirairay avy aminareo. Ankehitriny, firy ato no milaza fa Kristiana? Atsangano ny tānanareo, na aiza ianareo na aiza, milaza fa Kristiana iray. Efa fantatrareo ve fa ny Baiboly no niresaka ny amin'izao, hoe izao no hiseho?

³⁰³ Nitranga tao amin'ny Testamenta Taloha mihitsy aza izao rehefa nanontany an’izay hataony izy ireo, hoe ahoana no hahafahan’izy ireo mandositra an’ilay fahirano izay ho avy. Nilatsaka teo amin'ny lehilahy iray ny Fanahy ka naminany izy ary nilaza tamin’izy ireo hoe aiza no hifanatrehana amin'ilay fahavalو, ary ahoana, inona no handresena an’ilay fahavalو. Izany no Testamenta Taloha, mitovy tahaka an’ilay Vaovao.

³⁰⁴ Ankehitriny, mety hisy olona hanao hoe, “Io lehilahy io, oh, tsy izany io.” Fa ahoana moa raha izany ilay izy? Hoy ianareo hoe, “Oh, efa nandre an’izany aho taloha.” Fa ahoana moa raha

izany *ity*? Hitanareo, izay no manaporofo arak'izany fa maro ato no mila fanovam-po iray, raha izany no Fanahy Masina miteny. Misy zavatra izay mila ho vitaina, noho izany dia any aminareo izany ankehitriny.

Amin'izay maha-izy ahy fotsiny, tsy misy fiangaviana iray,
 Afa-tsy Ny Rànao izay nararaka ho ahy,
 Sy ireo Fiantsoanao . . .

Izany no izy, niantso anareo Izy vao teo.

. . . ho Amino,
 O ry Zanak'ondrin'Andriamanitra, . . .

"Hesoriko io fo vato io, ary asiako fo nofo ao anatin'izany, izay hanolo-tena ho Ahy." Hitanareo?

. . . avia!
 Amin'izay maha-izy ahy fotsiny, no Handraisanao
 ahy,
 No . . .

Hanao ny safidinareo ve ianareo izao hariva izao? Afaka manao ny anankiray izay tianareo ianareo.

. . . hanadio.

Hoy ianareo hoe, "Efa nandre an'izany aho taloha." Saingy *ity* no mety ho fotoana *farany* ho anareo handrenesana an'Izany.

Satria ny Fampanantenanao no inoako,

Ireo antso eny amin'ny alitara fanao fahiny, dia efa lany andro izy ireo amin'izao andro izao, saingy mbola mihetsika ao amin'izy ireny foana Andriamanitra. Tsy afaka mahatsapa Azy mihetsika eo aminareo ve ianareo, ry fiangonana?

. . . manatona aho!

³⁰⁵ [Manomboka misamonomonona ny *Amin'IZAY Maha-izy Ahy Fotsiny* Rahalahy Branham—Mpand.] Oh, eritrereto, amin'izao andro izao, manomboka miha-vato ireo fo, feno an'izao tontolo izao, tsy miraika, mpikambam-piagonana, matimaty, tahaka an'io mpanan-karena io, mpanapaka tanora; nefá tsy mahafantatra fa ilay Fanahy Masina lehibe dia mijoro, mandondòna eo am-baravarana ao amin'ity Taona Laodikiana ity. "Izay handre Ny Feoko (ny Teny), dia hanokatra ny fony, hiditra ao aminy Aho ary hisakafo miaraka aminy."

³⁰⁶ Ary ilay Fanahy izay niteny tamin'ny alàlan'io rahalahy io minitra vitsy lasa izay, dia nanao hoe, "Hanala aminareo an'io fo vato io Aho, ka hanome anareo fo nofo, malefaka amin'Andriamanitra." Jereo hoe lasa toy ny ahoana ilay izy ankehitriny, anankiray fotsiny—anankiray mahay, fihetseham-po. Hitanareo? Tsy fo iray malefaka feno fitiavana sy fahalemem-panahy amin'i Kristy.

³⁰⁷ [Manomboka misamonomonona ny isan'andininy Rahalahy Branham—Mpand.] Tsy tianareo ve izany karazana fo izany? Ahoana no hanatrehanareo an'i Kristy amin'ny fiheverana Azy ara-tsaina? Tsy maintsy manaiky ny Fiainana Mandrakizay ianareo.

...izay nararaka...

Ny fanomanana dia natao tamin'ny alàlan'ilay Rà.

Sy ireo Fiantsoanao...

Inona no Nataony? Nandraraka Ny Ràny. Ary ankehitriny dia miantsosy anareo hoe, "Avia."

...ho Aminao,
O ry Zanak'ondrin'Andriamanitra, manatona aho!
Manatona aho!

³⁰⁸ Ndao isika, ny Kristiana tsirairay, hanangana ny tànantsika moramora fotsiny ankehitriny ka hivavaka.

³⁰⁹ O Andriamanitra, azafady, Tompo, raiso ity andro izay iainanay ity. Oh, tena sarotra ilay izy, Ray. Efa nahavita betsaka loatra mihitsy tamin'ny olona i Satana. Lasa vato ny fon'izy ireo. Miteny avy hatrany Ny Fanahinao; mivoaka Ny Teninao, manamarina; saingy ilay fahatsapana amin'ny fanao fahiny, nateraka indray, izy ireo dia...izany dia lasa fiheverana araanaram-piangonana, ara-tsaina iray, mozika betsaka, kiakiaka betsaka, ary hadalana betsaka. Fa, ny tena marina, ilay fo nofo, ilay Fanahy, ilay Fiainana Mandrakizay, dia lasa vahiny tokoa ho an'ny fiangonana Izany.

³¹⁰ Andriamanitra, mahavaky ny foko manokana izany, ary izaho izay—izay mpanota iray novonjena noho ny Fahasoavanao. Mankarary ahy loatra, Ray, ny mahita an'ilay fiangonana izay Nahafatesanao, ilay fiangonana izay Ezahanao havotana. Mieritreritra an'ilay fahitana izay vao avy Nomenao aho mikasika ny fiangonan'i Etazonia sy an'ireo firenen-kafa. Fitanjahana rock-and-roll iray mahatsiravina toy ny inona ilay izy. Fa tany ho any dia nahita anankiray hafa izay nivoaka aho, voatahy.

³¹¹ Mivavaka aho, Ray, fa raha misy sasany amin'ireo izay eto izao hariva izao izay voatendry ho amin'ny Fiainana, na ho tia ny hanaiky an'Izany, mba ho izao no ora izay hanaovan'izy ireo an'izany. Ekeo izany, Tompo. Poteho ilay fo vato ankehitriny, ilay fo tranain'izao tontolo izao. Ary raha mila fiadanana izy ireo, raha mila zavatra izay mahafa-po, zavatra izay manome antoka, dia enga anie izy ireo hanaiky ny fitarihan'i Kristy izao hariva izao hitarika azy ireo eo amin'ny—ny Fiadanana izay mihoatra ny fahalalana rehetra, ny Fifaliana izay tsy hay lazaina sy feno voninahitra, na zavatra iray mihitsy aza izay tsy azon'ny fahafatesana izy tenany ho ratraina. Ekeo izany, Ray.

³¹² Ankehitriny, miaraka amin'ny tnantsika mitsangana, dia manontany aho raha . . . Firy ato amin'ny tranobe ankehitriny no hiteny fotsiny hoe, "Hitsangana aho." Ankehitriny, tsy ahoako hoe iza no mipetraka eo akaikinareo; Izany no Andriamanitra miresaka aminareo. Ary te-ho tena Kristiana iray marina tokoa ianareo. Hitanareo? Ny zavatra rehetra dia . . . Raha tsy hoe fakan-tahaka iray ilay izy; oh, aleoko hivoaka fotsiny ka ho any amin'izao tontolo izao. Mino aho fa ianareo dia hivoaka, ihany koa.

³¹³ Ankehitriny, diniho amin'ny allan'ny Teny fotsiny ny tenanareo, amin'ny allan'ny Hafatra. Diniho hoe inona no tokony haha-tena izy ny Kristiana iray: matanjaka, tia, tsy anankiray amin'ity Kristianisma moderina ity. Nahoana, malemilemy izy, mora milefitra, maty tapaka, l, nafangaro. Hitanareo, tsy izany no tena Kristianisma; miaina amin'ny karazam-panao rehetra, nefa mikambana amin'ny fiangonana. Tsy tianareo ve ilay fiombonana mamy miaraka amin'i Kristy, ilay Fanahy Masina, ka ianareo dia . . . ilay fitovian'ny fonareo manokana amin'ny Teny, mandroso avy hatrany ao amin'i Kristy? Raha tianareo izany, ka irianareo ny hahitan'Andriamanitra ny fijoroanareo izao hariva izao ao amin'ity vondron'olona ity, raha hanao an'izany fotsiny ianareo.

³¹⁴ Hoy ianareo hoe, "Hidika zavatra anankiray ve izany, Rahalahy Branham?"

³¹⁵ Oh, eny. Azo antoka, midika izany. "Raha menatra Ahy eo anatrehan'ny olona ianareo, dia ho menatra anareo Aho eo anatrehan'Ny Raiko sy ireo Anjely masina. Fa izay hanambara Ahy sy hijoro ho Ahy eto amin'ity tany ity, dia hijoro ho azy Aho ao amin'io Tany io. Izaho no hanambara azy eo anatrehan'Ny Raiko."

³¹⁶ Ankehitriny, tsy mampaninona na iza ianareo na iza, vehivavy, lehilahy, zazalahy, zazavavy, na iza na iza ianareo, Kristiana na tsy Kristiana, mpitoriteny, diakona, na inona ianareo na inona, raha hino fotsiny amin'ny fonareo manontolo ianareo, mandritry ny fotoana fohy fotsiny, ary hanao an'izao tokoa izao hariva izao mba hamela an'Andriamanitra fotsiny hahafantatra fa tso-po ianareo. "Andriamanitra . . ."

³¹⁷ "Ankehitriny jereo, Pentekotista aho," hoy ianareo. "Izaho dia ity," na inona ianareo na inona. "Milaza ny fandihizana ao amin'ny Fanahy aho. Saingy, Rahalahy Branham, nihevitra aho fa raha mbola nahazo an'izany foana izahay, dia nanana Azy izahay." Tsy manana ianareo.

³¹⁸ Raha mino ahy ho mpaminanin'Andriamanitra ianareo, dia henoy ny Teniko. Hitanareo? Izany ilay famitahana amin'izao andro izao. Tsy efa nilaza ve ny Baiboly hoe, "Tena hifanakaiky izany ka hamitaka ny Voafidy raha azo atao"? Ny Voafidy, "hatrany anatin'ny fanahy."

³¹⁹ Fa raha nandihy tao amin'ny Fanahy ianareo, nefà mbola miaraka amin'ireo zavatr'izao tontolo izao, dia misy zavatra tsy mety ao. Raha miteny amin'ny fiteny tsy fantatra ianareo; hoy i Paoly hoe, "Afaka miteny amin'ny fitenin'ny olona sy ny anjely aho, nefà dia mbola tsy voavonjy akory aza." Ah-hah, ireo karazany roa, hitanareo. "Afaka manao ny fihetseham-po rehetra aho, afaka manana finoana aho, afaka mitory ny Filazantsara aho, afaka manome ny fananako rehetra aho mba hamelomana ny mahanttra, afaka mitondra ny Teny any amin'ireo saham-pitoriana aho manerana ny...nefa mbola tsinontsinona foana aho." Hitanareo? Izany dia ilay Anatin'ny anatiny, rahalahy. Izany...Miparitaka ny fanahinareo rehefa maty ianareo, maka ny fanidinany izy, fa velona kosa ny ainareo. Hitanareo?

³²⁰ Ankehitriny jereo ny tenanareo. Tena marina ve, fa Kristiana tena izy ara-Baiboly ianareo, feno fitiavana an'Andriamanitra? Tsarovinareo, ny Baiboly no nilaza, amin'ny andro farany rehefa hiseho ity fotoana ity, hoy Izy hoe, "Nandalo tao amin'ireo fiangonana ny anjely mpanisy marika iray, nandalo tamin'ireo tanàna, ary nanisy tombokase an'ireo izay nisento sy nitaraina fotsiny noho ny fahavetavetana izay natao teo amin'ilay tanàna." Marina ve izany? Ezekiela 9, fantatsika fa izany no Fahamarinana. Nivoaka ilay anjely mpanisy marika ary nanisy Marika iray teo amin'ny lohan'izy ireo, ny handriny, nanisy tombokase azy ireo, "Ireo izay nisento sy nitaraina."

³²¹ Taorian'izany no tonga ireo anjely mpamono avy tany amin'ny vazan-tany efatra, izay ho tonga tokoa, hitantsika izany fa tonga, ireo ady dia miditra mihitsy izay hamono ny tany manontolo. Tsy misy na inona na inona tsy azon'izy ireo nokasihana afa-tsy ireo izay nanana an'ilay Marika ihany.

³²² Ankehitriny raiso...Mba sahirana ny amin'ireo mpanota tokoa ve ny fonareo, sy ny fomba izay ataon'ny fiangonana sy ny olona, hany ianareo ka afaka misento sy mitaraina mikasika an'izany andro aman'alina? Raha tsy izany ilay izy, dia manontany aho. Izany no Soratra.

³²³ Hitsangana fotsiny ve ianareo ka hanao hoe, "Andriamanitra malala, tsy mitsangana aho satria hoe Rahalahy Branham no niteny an'izany, fa nandre ny Teniny nilaza an'izany aho, ary hanao an'izao aho. Ho Anao, Tompo, no itsanganako. Mila zavatra aho, Tompo. Hanolotra ahy ny zavatra ilaiko ve Ianao izao hariva izao eto amin'ity toerana ity? Mitsangana aho." Andriamanitra hitahy anao. Andriamanitra hitahy anao. "Mila zavatra aho, tiako hanome famindrampo amiko Ianao." Andriamanitra hitahy anao. "Te-ho karazana Kristiana iray aho izay..."

³²⁴ Ankehitriny, tsarovy, ilay olona izay mitsangana eo akaikinareo dia ilay zavatra iray ihany tahaka anareo. Tiako

ianareo hanatsotra ka handray ny tānan'izy ireo, hanao hoe, "Rahalahy, ranabavy, mivavaha ho ahy ankehitriny. Tiako hivavaka ho ahy ianao. Izaho—izaho..." Lazao fotsiny amin'ny fahatsoram-po Kristiana rehetra izany, "Mivavaha ho ahy. Izaho dia... Izaho—izaho—izaho dia te-hahitsy amin'Andriamanitra. Mivavaha ho ahy ianao, izaho hivavaka mba hanomezan'Andriamanitra anao an'ilay fanararaotra."

³²⁵ Izaho—izaho mahafantatra fa isika dia... Tsy afaka ny hijanona ela eto intsony isika; hitanareo izany. Isika dia—isika dia eo amin'ny fotoana farany. Ny rehetra izay mino an'izany, dia manaova hoe, "Amena." [Hoy ny fiangonana hoe, "Amena!"—Mpand.] Isika dia... Tsy misy na inona na inona tavela intsony. Vita ny zavatra rehetra. Mandroso mankany amin'ny favoriambe Ekiomenika ireo fiangonana. Izao tontolo izao, izy...

³²⁶ Jereo eto! Fantatrareo ve izay lazain'ny Tompo mikasika an'i Los Angeles sy ireo toerana eto? "Vita ny aminy!" Tsaroanareeo ve izay nolazaiko taminareo, teo amin'ny roa taona lasa teo izay, hoe ahoana fa ho tonga eto Canada ilay horohorontany, Alaska? Milaza aminareo koa aho fa "Mikorina mankao anaty ranomasimbe i Hollywood sy Los Angeles. Ry California, voaheloka ianao! Tsy California fotsiny; fa ianao, ry izao tontolo izao, voaheloka ianao! Ry fiangonana, raha tsy mahitsy miaraka amin'Andriamanitra ianao, dia voaheloka ianao!" HOY NY FANAHY MASINA HOE!

³²⁷ Efa mba nandre ahy nampiasa an'izany Anarana izany ve ianareo ka tsy niseho izany? Manontania ianareo! Roapolo taona izao no nahafantaranareo ahy. Efa mba niteny zavatra taminareo tamin'ny Anaran'ny Tompo ve aho ka tsy niseho? Raha ny zavatra rehetra izay efa nolazaiko taminareo fa hitranga, no nitranga, dia manaova "Amena." [Hoy ny fiangonana hoe, "Amena!"—Mpand.] Hitanareo? Lazaiko aminareo, izao ilay ora, tsaratsara kokoa ho anareo ny ho mahitsy, isika rehetra.

Ankehitriny ndao isika hifampivavaka:

³²⁸ Andriamanitra malala, raha mitsangana eto izahay izao hariva izao, vahoaka iray eo am-pahafatesana, mitodika amin'ny tany ny tarehinay, ilay vovoka. Izahay fotsiny... Ianao no nanome anay an'ity toriteny mandrantsana ity, Tompo. Nahita ny ohatra an'ireo lehilahy anankiroa izahay. Ny iray amin'izy ireo, dia lehilahy mpivavaka iray, nandeha tany am-piangonana nefà nandà ny fitarihana ho amin'ny Fiainana Mandrakizay. Ary ilay iray hafa dia nandà ny lazan'izao tontolo izao ka nitodika tany amin'ny Fiainana Mandrakizay. Ary samy hitanay ny toeran'izy ireo izao hariva izao, araka ny Baiboly: ilay lehilahy manan-karena dia ao amin'ny fampijaliana, fa i Mosesy dia ao amin'ny Voninahitra.

³²⁹ Ray, te-ho tahaka an'i Mosesy izahay. Te-hotarihan'ny Zanakao Masina izahay, Jesosy Kristy, ho amin'ny Fiainana Mandrakizay. Omeo ho an'ny fonay Izany izao hariva izao, Tompo. Rovito ilay fo vato trana inay; apetraho ao anatinay ny fo vaovao, ny fo nofo, ny fo izay Azonao iresahana sy ifanarahana, ka tsy hirehareha izahay na ho hafa. Enga anie tsy hiala intsony ny Fanahy Masina, Tompo. Enga anie Izy ho tonga ka hanendry an'ity vahoaka ity. Miresaha amin'izy ireo; rovito ireo sitrapo vaton'izy ireo, ary apetraho ao ny sitrapon'Andriamanitra. Vonjeo ny tsirairay avy, Ray. Omeo anay ny Fitavanao. Ento amin'ny toerana iray izahay, Tompo, mba hanalaviranay ny-ny ampahan'ny ara-pihetseham-po rehetra, ho amin'ny ampahany mafy an'ny fahatsapana... ilay ampahany tsapan'ny fo, ilay halalin'ny Fanahy, ireo harenan'Andriamanitra, ilay Fanjakan'ny Fanahy ao am-ponay. Ekeo izany, O ry Mpitarika Lehibe, Fanahy Masina lehibe, mialohan'ny Andraisanao ny Fanidinanao ho eny amin'ny lanitra miaraka amin'Ny Fiangonanao.

³³⁰ O Andriamanitra, avelao aho handeha, Tompo. Aza avela aty aoriania aho, Jesosy. Avelao aho handeha hiaraka Aminao, Ray. Tsy te-hijanona eto amin'ity tany ity aho mba hijery an'ireo fahoriambe tonga. Tsy te-hijanona eto amin'ity fahadalana ity aho. Tsy te-hijoro eto aho rehefa ireo hita maso mampahatahotra...ireo olona izay very ny sainy. Mijery ny olona izay miezaka manao tahaka ny bibidia izahay ary mitovy amin'ny bibidia; ary ireo vehivavy izay miezaka ny hitovy amin'ny biby, miaraka amin'ireo loko eo amin'ny tarehiny. Fantatray fa nolazaina mialoha ireo zavatra ireo fa tsy maintsy hitranga, hitranga ilay zavatra, ho tena lasa adala izy ireo hany ka hiseho ireo valala miaraka amin'ny volo tahaka ny vehivavy mba hampijaly an'ireo vehivavy; ary nify tahaka ny liona, sy ny sisa izay efa Nolazainao, ho vita tanteraka ny toe-tsain'ny olona. Hitanay izany fa eo am-piomanana izao ankehitriny izao, Tompo. Ampio izahay! Avereno izahay ho ao amin'ilay fisainana milamina an'i Kristy Jesosy Tomponay.

³³¹ O ry Mpitarika Lehibe an'ny Fiainana Mandrakizay, manaiky ny Fampanantenanao izahay izao hariva izao, Ray. Miangavy ho an'ity vahoaka ity aho. Miangavy ho an'ny tsirairay avy amin'izy ireo aho, amin'ny Anaran'i Jesosy Kristy, Tompo. Mivavaka aho mba hidiran'i Kristy ilay Zanak'Andriamanitra ao anatin'ny fon'ny tsirairay avy aminay, Tompo, ka handasitra anay sy hanao anay ho olom-baovao ao amin'i Jesosy Kristy. Ekeo izany, Tompo Andriamanitra.

³³² Tianay Ianao. Ary tianay ireo toe-panahinay...ny fiovanay ho tonga ao anatinay, mba hahatonga anay ho Zanakao, hahatsapa Ny Fanahinao mihetsika ao am-ponay, Tompo, manalefaka anay sy mitondra anay ho amin'ny fahafantarana an'ity taona adala izay iainanay ity. Ekeo izany, Andriamanitra.

Rehefa mahita an'ireo vehivavy tanora izay tena tratra ao anatin'ilay tranon-kalan'ny devoly izahay, lehilahy tanora, simba saina, ankizy, mpisotro zava-mahadomelina, mifoka sigara, misotro, tsy mendrika, Edenan'i Satana.

³³³ Andriamanitra, nila enina arivo taona izany ho Anao, araka ny Baiboly, mba hanorina Edena iray. Ary Napetrakao tao ny Zanakao lahy sy ny vadiny (ny ampakariny), mba hanjaka eo amin'izany. Dia tonga i Satana ka nanimba an'izany; nanana enina arivo taona izy, ary nanorina ny Edenany ara-tsaina manokana izy tamin'ny alàlan'ny siansa, sy ny fianarana, sy ny mody antsoina hoe fahalalana, ary naoriny tao anatin'ny lotompahafatesana izany.

³³⁴ O Andriamanitra, avereno ao Edena indray izahay, Tompo, izay tsy misy fahafatesana, izay tsy misy alahelo. Ekeo izany, Tompo. Mitsangana am-panetre-tena izahay, miandry an'ilay Adama faharoa ho avy ho an'Ny Ampakariny. Ataovy ho Ampahany izahay, Ray. Mivavaka amin'ny Anaran'i Jesosy izahay. Amena.

³³⁵ Tia an'Andriamanitra ve ianareo? Azonareo tsapaina ve....Fantatrareo ve izay ezahako lazaina aminareo? Raha afaka mahazo ianareo, dia atsangano fotsiny ny tanganareo, manao hoe, "Azoko izay ezahanao lazaina." Hitanareo ve ilay fahadalan'ity taona ity? Jereo hoe ahoana fa vita ny aminy, tsy misy fandanjalanjana intsony akory aza eo anivon'ny olona. Vita ny aminy! Aiza ny antsika....? Na dia ireo mpitarika aza.

³³⁶ Jereo ny Filohantsika! "Raha mila Kominisma izy ireo, dia avelao ho azony izany. Na inona na inona ilain'ny vahoaka, dia avelao ho azony izany." Aiza ireo Patrick Henry antsika, ireo George Washington antsika? Aiza ireo mpitarika antsika izay nijoro ho an'ny fitsipika iray? Tsy manana azy ireny intsony isika.

³³⁷ Aiza ireo fiangonantsika, ireo mpitoritenintsika? Hampiditra an'ireo olona ao amin'ny fanandrakandramana fotsiny, na miditra, mikambana amin'ny fiangonana ka manao an'ity na manana fahatsapana kely na zavatra. Aiza ireo lehilahin'Andriamanitra ireo, ireo mpaminany izay nijoro ka sahy nanaratsy, nanohitra ny zavatra rehetra an'izao tontolo izao?

³³⁸ Aiza ireo lehilahin'ny fahamarinana? Aiza izy ireo izao? Tena malemilemy izy ireo, ary amin'ny alàlan'ireo fiheverana ara-tsaina sy ny sisa, hany ka tsy eto intsony izy ireo. O Andriamanitra, mamindrà fo aminay.

³³⁹ Ireo hita maso mampahatahotra izay tonga eto ambonin'ny tany. Afaka mahita ianareo hoe ahoana fa miditra ao anatin'izany mihitsy ny olona. Izany no fahadalana iray. Fa rehefa mamely io zavatra io, dia ho lasa ny Fiangonana.

³⁴⁰ Andriamanitra, avelao izahay ho any. Izany no fivavako amin'ilay Olona Ivelan'ny voajanahary lehibe izay ato amin'ity tranobe ity izao hariva izao, ilay Kristy lehibe izay mbola manana ny Fiainana Mandrakizay. Mivavaka Aminao aho, Kristy, raha eto aho miaraka amin'ny masoko mihiratra, mijery an'ilay fiangonana izay Navotanao tamin'Ny Rànao. Andriamanitra, aza avela ho very ny anankiray aminay. Te-ho mahitsy Aminao izahay. Noho izany dia diovy izahay, O, Tompo, amin'ny helokay rehetra. Esory ny otanay sy ny sisa.

³⁴¹ Efa hitanay Ianao nanasitrana ny mararinay, nanangana ny matinay mihitsy aza (niverina tamin'ny fiainana tamin'ny alàlan'ny vavaka), ary efa hitanay ireo zavatra rehetra ireo fa nitranga, Ray. Ankehitriny avereno indray *izahay* ho amin'ny Fiainana, ara-panahy; avereno izahay ho amin'ny fahafantarana ny Fiainana Mandrakizay amin'ny alàlan'i Kristy Jesosy. Ekeo izao, Ray. Apetrako Aminao izany rehetra izany. Amin'ny Anaran'i Jesosy Kristy.

Mandra-pihaonantsika! mandra-pihaonantsika!
 Mandra-pihaonantsika eo an-tongotr'i Jesosy;
 Mandra-pihaonantsika!

Mijere Azy. Avelao Izy hampahalefaka antsika.

. . . pihaonantsika!
 Homba anareo anie Andriamanitra mandra-
 pihaonantsika indray!

³⁴² Atsangano ny tànantsika ankehitriny:

Mandra-pihaonantsika! mandra-pihaonantsika!

Rahalahy Salano, na iza na iza no manaraka. [Hoy ny olona iray hoe, "Mbola misy zavatra hafa?"—Mpand.] Tsia. Andriamanitra hitahy anareo.



FITARIHANA MAG65-1207
(Leadership)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Talata hariva, 7 Desambra, 1965, ho an'ny fanasan'ny Full Gospel Business Men's Fellowship International tao amin'ny Covina Bowl ao Covina, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org